

T2513/4341.49

8

CM 0	1	2	3	4	5	6	7	8	9	10	11	12	13	14	15	16	17							
Lab D502	95/0/2	81/0/0	66/0/0	51/0/1	35/0/0	20/0/0	29/19/54	55/39/33	40/9/43	42/57/29	82/4/79	51/50/13	50/28/29	38/14/16	66/16/18	50/5/22	43/14/21	55/9/25	71/32/0	62/34/60	52/48/17	31/21/21	72/23/57	73/19/68

Harvard College Library/Imaging Services <http://imaging.harvard.edu>

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
OCT 31 1940

通鑑本末紀要卷之九

哈佛大學漢和
圖書館珍藏印

錦川蔡毓榮仁菴甫編輯 華亭林子卿安國氏註

武帝惑神仙

丙子文帝十五年夏四月帝如雍今陝西鳳翔府始郊見五帝

秋趙人新垣平言長安東北有神氣成五采於是作渭陽五帝廟親祠之以平爲上大夫

丁丑十六年新垣平言闕下有寶玉器使人持玉杯詣闕獻之刻曰人主延壽又言候日再中候推測也前居頃之期而言也

日卻復中於是詔更以十七年爲元年又言汾陰有金寶氣意周鼎出於泗水於是治廟汾陰在山西平陽府榮河縣欲

祠出鼎後人告平所言皆詐下吏誅之以上乃武帝神仙之所繇

戊申武帝元光二年方士李少君見帝少去聲言祠竈則致物

謂神物及藥也丹砂可化為黃金壽可益蓬萊仙者可見見之

以封禪則不死帝信之始親祠竈遣方士入海求蓬萊

安期生之屬安期秦時賣藥海邊時人稱千歲公久之少君病死天子以

為化去不死而海上燕齊怪迂之士多更來言神仙事

矣按少君本故深澤侯舍人匿其年及所生長無妻子人聞其能致物及不死更饋遺之常餘金錢衣食人

又以為不治生而饒給爭信之又善為巧發奇中嘗從武安侯飲坐中有九十餘老人少君乃言與其大父遊

射處老人兒時從大父識其處一坐皆驚

己未元狩元年冬祠五畤得一角獸有司言蓋麟云始以天瑞紀元

壬戌四年齊人少翁少去聲以鬼神方見帝時帝有所幸王夫

人卒齊王閔母少翁以方夜致鬼如王夫人貌帝自帷中望

焉乃拜為文成將軍漢書以此事入李夫人傳中溫公考異以為夫人卒時文成死已久

從史記封禪書作王夫人文成又勸帝為臺室置祭具以致天神歲

餘其方益衰乃為帛書飯牛飯夫晚切佯不知言曰此牛腹

中有奇殺視得書言甚怪帝識其手書誅之而隱其事

丙寅元鼎二年春起栢梁臺作承露盤盤高二十丈以銅為

之有仙人掌以承露和玉屑飲之云可長生宮室之修

自此日盛

戊辰四年春樂成侯丁義樂音洛薦方士樂大帝方悔誅文成

大喜大敢為大言處之不疑處上聲乃曰臣常往來海上

見安期羨門之屬曰黃金可成而河決可塞時河決不

死之藥可得仙人可致然臣恐效文成則方士皆掩口

矣上曰文成食馬肝死耳子誠能修其方我何愛乎大

曰陛下必欲致之則貴其使者使去聲令為親屬以客禮

待之乃可使通言也於是拜大為五利將軍尚衛長公

主封樂通侯長上聲樂音洛帝親幸其第貴震天下

夏六月汾陰得大鼎

秋帝行幸雍且郊齊人公孫卿言今年冬辛巳朔旦冬至

與黃帝時等因嬖人奏之帝大悅召問卿對曰受此書

申公曰漢興復當黃帝之時寶鼎出而與神通封禪七

十二王唯黃帝得上泰山封申公曰漢主亦當上封上

封則能仙登天矣又言黃帝時鼎成有龍下迎黃帝黃

帝與羣臣後宮七十餘人俱騎登天於是天子曰嗟乎

誠得如黃帝吾視去妻子如脫屣耳屣履也音徒乃拜卿為

郎使候神於太室河南府中岳嵩山東峰曰太室

己巳五年五利將軍方盡多不售無效也而妄言見其師上使

人隨驗實無所見坐誣妄腰斬樂成侯亦棄市

庚午六年冬公孫卿言見仙人蹤緱氏城上在河南府偃師縣南帝親

往視問卿得無效文成五利乎卿曰仙者非有求人主

人主求之其道非寬假神不來積以歲月乃可致也帝信之於是郡國除道繕治宮觀名山神祠以望幸焉

初司馬相如病且死

相如字長卿成都人今四川成都縣以孝文園令家居卒

有遺書

勸封泰山帝感其言令諸儒草封禪儀數年不成帝問

左內史兒寬

千乘人今山東青州府樂安縣

寬曰封泰山禪梁父昭姓

考瑞

昭姓昭顯其姓氏考瑞即虞書所謂輯五瑞也

帝王之盛節也今舉大事

優游數年使羣臣得人人自盡終莫能成唯天子建中

和之極兼總條貫金聲而玉振之帝乃自制其儀頗采

儒術文之

辛未

元封元年帝以古者先釋兵振旅然後封禪乃出長城

臨北河

受降城南也

以警單于

警震懾也音摺

還祭黃帝冢橋山

在陝

西延安府中部縣

釋兵須如

地無考

帝曰吾聞黃帝不死今有冢

何也或對曰黃帝已仙上天羣臣葬其衣冠帝嘆曰我

後升天羣臣亦當葬我衣冠於東陵乎

帝作茂陵在長安東故云乃

還甘泉祠太一

還音旋

春正月帝幸緱氏禮祭中嶽從官在山下

從去聲

聞若有呼

萬歲者三遂東巡海上祠八神

一天祠天齊二地祠泰山梁父三兵祠蚩尤四

陰祠三山五陽祠之罘六月祠之萊七日祠成山八四時祠瑯琊

羣臣又言見一老父

牽狗忽不見帝以為仙人宿留海上

時公孫卿從言夜見大人其跡甚大

夏四月還封泰山禪肅然

山名在泰山東北夜若有光晝有白雲

出封中羣臣上壽頌功德方士更言蓬萊諸神若將可

得帝欣然庶幾遇之復至海上望焉因欲自浮海求蓬

萊太中大夫東方朔曰朔字曼倩平原厭次人今山東濟南府陵縣有厭次城夫

仙者得之自然不必躁求扶夫音若其有道不憂不得若

其無道雖至蓬萊見仙人亦無益也願陛下還宮還音旋

靜處以須之處上聲仙人將自至乃止遂自海上北至碣

石在直隸永平府巡自遼西今廣寧府至九原在大同邊外五月至甘泉

凡周行萬八千里云

秋有星孛於東井又孛於三台望氣王朔言候獨見填星

出如瓜填星土星也食頃復入有司皆曰陛下建漢家封禪

天報德星云

壬二年冬十月帝祠泰一以拜德星公孫卿言見神人東

萊山若云欲見天子於是幸東萊今山東萊州府宿留數日無

所見復遣方士求神怪采芝藥以千數

夏公孫卿言仙人好樓居好去聲帝令長安甘泉作諸臺觀

使卿持節設具而候神人益廣諸宮室

甘泉房中產芝九莖赦

時天旱帝以為憂公孫卿曰黃帝時封則天旱乾封三年

帝下詔曰天旱意乾封乎意欲新封之土乾燥也

丁太初元年冬十一月栢梁災越人勇之曰越俗有火災

復起屋必以大用勝服之於是作建章宮度為千門萬

戶東鳳闕西虎圈北太液池中有漸臺水所浸也蓬萊方丈

瀛州壺梁四神山名南玉堂璧門立神明臺井幹樓積累萬木轉相

交架為樓猶井欄也輦道相屬

未癸天漢三年方士之候祠神人入海求神仙者終無有驗

公孫卿猶以大人跡為解天子益怠厭之猶羈縻不絕

冀遇其真

壬辰征和四年春正月帝行幸東萊欲浮海求神山羣臣諫

弗聽會大風晦冥海水沸湧留十餘日不得御樓船乃

還音旋

三月帝論羣臣曰朕卽位以來所為狂悖今事有傷害百

姓糜費天下者悉罷之大鴻臚田千秋請罷方士候神

人者從之武帝太初元年改大行令為大鴻臚千秋後對

羣臣嘆曰天下豈有仙人盡妖妄耳節食服藥差可少

病而已差宜切於是以千秋為丞相封富民侯千秋無它

材能又無伐閱功勞古者人臣功有五品以德立宗廟

明其等曰伐積也特以一言寤意數月取宰相封侯世

未嘗有也然為人敦厚有智居位自稱稱其職也去聲踰於前

後數公

巫蠱之禍

丑辛武帝建元元年。帝為太子時，娶長公主嫖女為妃。妃名

阿嬌。○長上聲。嫖匹昭切。姓陳氏。陳午女也。及即位，立為皇后。

寅壬二年，帝過姊平陽公主。平陽侯曹壽所尚。悅謳者衛子夫，得幸。

主因奉送入宮，歲餘不復幸。會帝遣宮人子夫，涕泣請出，帝憐之，復幸，恩寵日隆。初，帝之得為嗣，長公主有力焉。故陳皇后驕貴，而無子，寵寢衰，聞子夫幸，大恚，幾死。帝怒。

亥辛元光五年，秋七月，皇后以祠祭厭勝媚道，事覺，使御史

張湯窮治之。湯，杜陵人，今陝西西安府咸寧縣。相連誅者三百餘人，冊

收璽綬退居長門宮。

癸丑 元朔元年皇子據生。衛夫人子也。立夫人衛氏為皇后。時帝

年二十九始生據甚愛之。

己未 元狩元年夏四月立子據為皇太子。

丁亥 太始三年春正月皇子弗陵生。時帝年六十三。弗陵母曰趙婕

倅。漢皇后下有昭儀婕倅。倅音與。居鉤弋宮。任身十四月生。帝

曰昔堯十四月而生今鉤弋亦然乃命其門曰堯母門。

趙人江充為水衡都尉。充字次倩邯鄲人今直隸廣平府邯鄲縣。充初為趙王

客得罪於太子丹亡逃詣闕告趙太子陰事太子坐廢。

帝召充入充容貌魁岸被服輕靡與語大悅之拜為直

指繡衣使者。使去聲。使督察貴戚近臣充舉劾無所避嘗

從帝甘泉逢太子家使。去聲。乘車馬行馳道中充以屬吏

太子使人謝曰非愛車馬誠不欲令上聞之以教敕無

素者唯江君寬之充不聽遂白奏帝曰人臣當如是矣

大見信用威震京師。

己丑 征和元年冬十一月帝居建章宮見一男子帶劍入中

龍華門命收之弗獲帝怒斬門候發三輔騎士搜上林

索長安中十一日乃解巫蠱始起。

庚寅 二年初太子既長。上聲。仁恕溫謹帝嫌其才能少不類

己而所幸王夫人等皆有子皇后太子寵寢衰常有不

自安之意。帝覺謂大將軍青曰。青衛漢家庶事草創。加

四夷侵中國。朕不變更制度。後世無法。不出師征伐。天

下不安。若後世又如朕所為。是襲亡秦之迹也。太子敦

重好靜。好去聲欲求守文之主。安有賢於太子者乎。聞皇

后與太子有不安之意。可以意曉之。大將軍頓首謝。太

子每諫征伐四夷。帝笑曰。吾當其勞。以逸遺汝。不亦可

乎。帝每行幸。常以事付太子。宮內付皇后。帝用法嚴。太

子寬厚。多所平反。音翻雖得百姓心。用法大臣皆不悅。皇

后恐獲罪。每戒太子宜留取上意。不應有所縱捨。應平聲

帝聞之。是太子而非皇后。黃門蘇文常融等常微伺太

子過。輒增加白之。帝嘗小不平。使融召太子。融言太子

有喜色。帝默然。及太子至。帝察其貌有涕泣處。而佯語

笑。帝知其情。乃誅融。時方士及諸神巫多聚京師。女巫

往來宮中。教美人度厄。每屋輒埋木人祭祀之。因妬恚

更相告訐。以為呪詛。帝既以為疑。嘗晝寢。夢木人數千

持杖欲擊帝。帝驚寤。因是體不平。江充與太子及衛氏

有隙。因言帝疾祟在巫蠱。帝以充治巫蠱獄。自京師及

郡國。坐而死者數萬人。又使胡巫言宮中有蠱氣。帝使

充入宮。掘地求蠱。蘇文等助之。充先治希幸宮人。以次

及皇后太子宫。云於太子宫得木人尤多。太子懼。問少

傅石德少去聲德懼并誅因曰今無以自明可矯以節收

捕充等繫獄窮治其姦太子曰吾人子安得擅誅不如

歸謝幸得無罪將往甘泉而充持之急太子不知所出

遂從德計收捕充等自臨斬之罵曰趙虜前亂乃國王

父子不足邪音錚乃復亂吾父子也因并殺胡巫白皇后

出武庫兵發長樂宮衛卒樂音洛下同長安擾亂蘇文亡赴

言狀帝曰太子必懼又忿充等故有此變乃使使召太

子使者不敢進下二使字去聲歸報太子反欲殺臣帝詔丞相

劉屈氂捕斬反者屈氂中山靖王子武帝從子太子引兵至長樂西

闕下東南門內逢丞相軍合戰五日太子兵敗南犇詔收皇

后璽綬皇后自殺帝怒甚羣下憂懼不知所出壺關三

老茂上書曰壺關今山西潞安府壺關縣漢制鄉有三老荀悅漢紀茂姓今狐皇太子

為漢適嗣適音嫡承萬世之業親則皇帝之宗子也江充

以閭閻隸臣銜至尊之命迫蹙太子蹙音馭造飾姦詐太

子進不得見上退困於亂臣不忍忿怒之心起而殺充

子盜父兵以救難自免耳難去聲臣竊以為無邪心書奏

帝感悟尚未顯言赦之太子亡至湖在河南府閩鄉縣匿泉鳩

里賣履家發覺吏捕之乃自經死初帝為太子立博望

苑使通賓客故賓客多以異端進者

辛卯三年吏民以巫蠱相告言者案驗多不實帝頗知太子

惶恐無他意。會高寢郎田千秋上急變訟太子冤。高寢郎高

廟衛寢之郎所告非常故云急變千秋長陵人在咸陽縣曰子弄父兵罪當笞天子

之子過誤殺人當何罪哉臣嘗夢見一白頭翁教臣言

帝大感悟召見千秋謂曰父子之間人所難言公獨明

其不然此高廟神靈使公教我立拜為大鴻臚武帝改

為大鴻臚二族滅江充家焚蘇文於橫橋上乃作思

子宮為歸來望思之臺於湖天下聞而悲之

己亥昭帝始元五年春有男子乘黃犢車詣北闕自謂衛太

子以衛皇后所生詔公卿以下雜識視至者莫敢發言

京兆尹渤海雋不疑後到不疑字曼倩渤海漢叱從吏

收縛曰昔蒯瞶出奔輒拒不納春秋是之衛太子得罪

先帝亡不即死今來自詣此罪人也遂送詔獄帝與太

將軍霍光聞而嘉之光字子孟平陽人一曰公卿大臣

當用有經術明於大義者繇是不疑名聲重於朝廷朝

潮廷尉驗治本夏陽人成方遂夏陽今西安竟坐誣妄

腰斬

戊申宣帝本始元年六月詔曰故皇太子在湖未有號謚歲

時祠其議謚置園邑帝衛太子孫也有司議以陛下為

孝昭皇帝後承祖宗之祀言不得顧愚以為親謚宜曰

悼帝父史母曰悼后故皇太子謚曰戾史良娣曰戾夫

人皆改葬焉。

霍光秉政

霍光字子孟。父仲孺。河東平陽人。

今山西平陽府。

以縣吏給事平

陽侯家。與侍者衛少兒私通。

少去聲。

生去病。及吏畢歸。娶

婦生光。久之。少兒女弟子夫得幸。為皇后。去病以皇后

姊子貴幸。因為仲孺買田宅奴婢。將光至長安。任為郎。

去病卒後。光為奉車都尉。

掌御乘輿車。秩比二千石。

庚申武帝元狩二年秋。匈奴渾邪王殺休屠王。并其眾降漢。

邪音鈺。屠音儲。降戶江切。

休屠王子日磾。

字翁叔。○日磾音密低。

沒入官。輸黃

門養馬。

黃門。少府屬職。掌供御百物。

嘗牽馬過殿下。容貌甚嚴。帝奇

焉。即日拜為馬監。遷侍中駙馬都尉。

侍中為加官。得出入禁中。駙馬都尉。

掌副馬武帝置以休屠作金人為祭天主賜姓金氏甚皆秩比二千石

信愛之

癸巳後元元年時衛太子已死燕王旦自以次第當為太子

上書求入宿衛帝怒曰生子當置齊魯禮義之鄉乃置

之燕果有爭心乃斬其使去聲又坐匿亡命削三縣是時

上年老而廣陵王胥亦多過鉤弋夫人趙婕妤子弗陵

婕妤位視外廷上卿○年七歲形體壯大多智帝心欲

立焉以其年穉母少去聲猶豫久之察羣臣唯霍光忠厚

可任大事乃使黃門畫周公負成王朝諸侯以賜光朝音

數日帝譴責鉤弋夫人卒賜死頃之帝問左右曰外

人云何對曰人言且立其子何去其母乎帝曰往古國

家所以亂由主少母壯也少去聲汝不聞呂后邪音鈺故不

得不先去之

甲午二年二月帝病篤霍光涕泣問曰如有不諱誰當嗣者

帝曰君未諭前畫意邪立少子邪音鈺少去聲後同君行周公之

事光頓首讓曰臣不如金日磾日磾曰臣外國人不如

光且使匈奴輕漢矣乃立弗陵為太子以光為大司馬

大將軍日磾為車騎將軍太僕上官桀為左將軍受遺

詔輔少主光出入禁闈二十餘年小心謹慎未嘗有過

為人沈靜詳審每出入下殿門進止有常處郎僕射竊

識視之不失尺寸。

漢書表僕射自侍中至郎皆有此以郎官帶僕射也。○射音亦識音志

日磾在帝左右目不忤視者數十年。賜出宮女不敢近。

帝欲納其女後宮不肯。日磾長子為帝弄兒。長上自殿

下與宮人戲。日磾見遂殺之。帝怒。日磾具言所以。帝心

敬之。桀始以材力得幸。為未央廄令。帝嘗體不安。及愈

見馬多瘦。怒曰。令以我不復見馬邪。桀曰。臣聞聖體不

安。日夜憂懼。意誠不在馬。言未卒。泣數行下。行音帝以

為愛己。由是親近。

是月帝崩。太子弗陵即位。姊鄂邑長公主共養省中。

省中禁中

也。漢元帝王皇后父名禁。因改為省。中。取省察之義。○長上聲。共音恭。

光日磾桀共領尚

書事。光輔幼主。政自己出。天下想聞其風采。殿中嘗有

怪。夜羣臣相驚。光召尚符璽郎。

若今尚寶司官

欲收取璽郎不

肯授。光欲奪之。郎按劍曰。臣頭可斷。璽不可得也。光甚

誼之。明日詔增郎秩二等。眾庶莫不多光。

秋七月。追尊鈞弋夫人為皇太后。

乙未昭帝始元元年。初武帝崩。燕王旦得璽書。不肯哭。曰。

璽書封小。京師疑有變。遣人陰刺候朝廷事。

朝音潮。後同。

及

詔賜錢益封。旦怒曰。吾當為帝。何賜也。乃與齊孝王孫

澤等謀為姦書。言帝非武帝子。動搖百姓。青州刺史雋

不疑捕以聞。澤等伏誅。旦釋不問。

不疑字曼倩。渤海人。今直隸河間府滄州。

秋以雋不疑為京兆尹

治京師秩二千石

不疑每行縣錄囚徒還

音旋

其母輒問有所平反

音翻

活幾何人即多所平反母喜

笑異他時或無所出母怒不食故不疑為吏嚴而不殘

九月車騎將軍稔侯金日磾卒謚曰敬初武帝以日磾捕

反者莽何羅功遺詔封為稔侯

今山東兗州府城武縣有稔亭

日磾以

帝少不受封及病困光白封之

去聲

丙申二年正月詔封大將軍光為博陸侯

在平陽府平陸縣

或謂光

曰將軍不見諸呂之事乎今將軍當盛位帝春秋富宜

納宗室又多與大臣共事則可以免患光然之乃擇宗

室可用者拜劉辟彊劉長樂為光祿大夫

樂音洛

三月遣使賑貸貧民種食

使去聲種上聲

秋詔所貸勿收責除今年田租

按綱目書免天下今年田租者僅四見自帝而後宣

帝本始元年東漢和帝永元九年唐玄宗天寶十四年

戊戌四年春三月立僖仔上官氏為皇后初霍光與上官桀

相親善每休沐出桀常代入決事光女為桀子安妻生

女甫五歲安欲因光納之宮中光以為尚幼不聽蓋長

公主私近子客丁外人

鄂邑長公主食邑於鄂蓋侯所尚子客美稱猶子充子都也

蓋音閣長上聲下同

安說外人曰

說音稅

安子容貌端正誠因公主

時得入為后以臣父子在朝音潮而有椒房之重漢家故

事常以列侯尚主足下何憂不封侯乎外人言於長公

主召安女為倖仔因立為后漢書外戚傳云年甫六歲

秋以上官安為車騎將軍尋封桑樂侯安日以驕淫受賜

殿中出對賓客言與我壻飲大樂樂並音洛見其服御令人

歸欲自燒物子病死仰而罵天其狂悖如此

庚子六年諫大夫杜延年諫大夫比八百石延年字幼公見周子杜衍人在河南南陽縣

國家承武帝奢侈師旅之後數為大將軍言數音朔宜修

孝文時政示以儉約寬和光納其言詔有司問郡國所

舉賢良文學民所疾苦皆對願罷鹽鐵酒權均輸官見武

帝紀毋與天下爭利示以儉節然後教化可興御史大

夫桑弘羊獨以為此國家大業弘羊洛陽人今河南洛陽縣所以制

四夷安邊足用之本不可廢也秋罷酒權官時海內虛

耗戶口減半霍光知時務之要輕徭薄賦與民休息匈

奴和親百姓充實稍復文景之業焉

上官桀父子為丁外人求封侯霍光不許又欲令得召見

又不許長公主以是怨光而桀安亦慙自武帝時桀位

在光右及皇后立乃安親女光乃其外祖顧專制朝事

朝音潮由是與光爭權燕王旦以帝兄不得立怨望桑弘

羊欲為子弟得官亦怨恨光

辛丑元鳳元年秋八月蓋主桀安弘羊皆與旦通謀詐令人

為旦上書言光出都肄郎羽林都大也總也肄習也郎羽林者宿衛之士郎及

羽林道上稱蹕。天子出蹕入警。擅調益莫府校尉。莫府大將也。

軍府也。○調去聲。下同。莫幕通。專權自恣。疑有非常。臣旦願入宿衛。以

察奸變。候光出沐日奏之。桀欲從中下其事。與弘羊等

共執退光。書奏。帝不肯下。光聞之。止畫室中不入。室中設周

公負成王圖故名。帝曰。大將軍安在。桀曰。以燕王告其罪。不敢

入。詔召大將軍。光入。免冠頓首謝。帝曰。將軍冠。朕知是

書詐也。將軍無罪。光曰。陛下何以知之。帝曰。將軍調校

尉以來。未十日耳。燕王何以知之。且將軍為非。不須校

尉。時帝年十四。尚書左右皆驚。而上書者果亡。捕之甚

急。桀等懼。白帝小事不足追。帝不聽。後桀黨有譖光者。

帝輒怒曰。大將軍忠臣。先帝所屬。以輔朕身。屬音燭。敢有

毀者坐之。自是無敢復言。桀安等謀令長公主置酒請

光。伏兵格殺之。因廢帝而立燕王。會蓋主舍人父燕倉

知其謀。告大司農楊敞。華陰人。今陝西西安府華陰縣。敞素謹畏事。乃

移病臥。以告杜延年。延年以聞。詔捕桀安等誅之。蓋主

燕王皆自殺。皇后以年少。去聲。不與謀。與去聲。亦光外孫。故

得不廢。初旦與齊王孫澤等通謀。殺諫者韓義等十

五人。至是文學定陶魏相對策。定陶屬兗州府。相字弱翁。以義無比

干之親。蹈比干之節。宜顯賞其子。以示天下。明人臣之

義。乃擢義子延壽為諫大夫。延壽字長公。燕人一統志。入直隸順天府人物。

霍光以朝無舊臣。朝音潮光祿勳張安世志行純篤乃白用

為右將軍以自副。安世湯子字子孺杜陵人又在西安府咸寧縣。又以杜延年

有忠節擢為太僕。秩中二千石光刑罰嚴延年常輔之以寬

三年春正月泰山有大石自起立上林僵柳復起生有

蟲食柳葉其文曰公孫病已立。病已宣帝名

元平元年夏四月帝崩無嗣大將軍光承皇后詔迎昌

邑王賀入長安。昌邑在兗州府金鄉縣六月入即位尊

皇后曰皇太后初王在國素狂縱動作無節武帝之喪

遊獵不止中尉王吉切諫。吉字子揚阜虞人今山東萊州府即墨縣東有阜虞城

王賜以肉脯放縱自若郎中令龔遂。字次卿山陽人今金鄉縣有山陽城

涕泣彳行而諫請選郎通經有行義者與王起居宜有

益。行去聲王許之遂選十人侍王數日皆逐去。昌邑王傳王嘗見大

白犬頸以下似人冠方山而無尾以問龔遂遂曰此天戒言在側者皆冠狗也去之則存不去則亡矣後又聞

人聲曰熊視而見大熊左右莫見後又血汚王席王終不改及徵書至以火發書。不能

待旦也次日中馳赴從者馬死相望王吉戒王曰大王以

喪徵宜哭泣悲哀大將軍仁愛勇智天下莫不聞願大

王政事一以聽之大王垂拱南面而已王使龔遂驂乘

至廣明東郭門。漢東都門外有廣明亭遂曰禮奔喪望見國都

哭此長安東郭門也王曰我嗌痛不能哭。音益至城

門遂又言之王曰城門與郭門等耳至未央宮東闕乃

哭及卽位。淫戲無度。諫多不聽。光憂懣。以問大司農田

延年。

字子賓。陽陵人。在西安府高陵縣。

延年曰。將軍爲國柱石。審此人

不可。何不建白太后。更選賢而立之。光曰。於古嘗有此

否。延年曰。伊尹廢太甲以安宗廟。後世稱其忠。將軍若

能行此。亦漢之伊尹也。光乃陰與張安世圖計。王出遊。

光祿大夫夏侯勝諫曰。

勝字長公。魯人。一統志入兗州府人物。

天久陰不

雨。臣下有謀上者。陛下出欲何之。王怒。謂勝妖言。縛以

屬吏。光召問勝。勝言。洪範傳曰。皇之不極。厥罰常陰。時

則下人有伐上者。光安世大驚。以此益重經術士。光與

安世既定議。乃使田延年報丞相楊敞。敞驚懼。汗出浹

背。唯唯而已。

相去聲。後同。唯愈水切。

敞夫人謂敞曰。此國家大事。

君侯不與大將軍同心。猶豫無決。先事誅矣。敞乃與夫

人及延年參語許諾。光遂召丞相御史以下。會議未央

宮。光曰。昌邑王行昏亂。

行去聲。

恐危社稷。如何。羣臣皆驚

愕失色。莫敢發言。田延年離席按劔曰。先帝屬將軍以

幼孤。寄將軍以天下。以將軍忠賢。能安劉氏也。今羣下

鼎沸。社稷將傾。如漢家絕祀。將軍雖死。何面目見先帝

於地下乎。今日之議。不得旋踵。羣臣後應者。臣請劔斬

之。光謝曰。九卿責光是也。天下匈匈不安。光當受難。

去聲。

於是議者皆叩頭曰。萬姓之命。懸於將軍。唯大將軍令。

光即與羣臣俱見白太后太后召王伏前聽詔丞相敞等具陳昌邑王不可以承天序奉宗廟子萬姓當廢狀請以一太牢告祠高廟太后詔曰可光脫其璽組送至昌邑邸謝曰王行自絕於天行去聲臣寧負王不敢負社稷願王自愛涕泣而去羣臣坐不舉奏者誅殺二百餘人唯王吉龔遂得減死髡為城旦髡鬚髮城旦旦起行治城也師王式繫獄當死式字翁思東平新桃人一統志入兗州府人物治事使者責曰使去聲師何以無諫書式曰臣以詩三百五篇朝夕授王至於忠臣孝子之篇未嘗不為王反覆誦之也危亡失道之君未嘗不流涕為王深陳之也臣以三百五篇諫是

以無諫書亦得減死論光以太后省政宜知經術白令

夏侯勝用尚書授太后遷勝長信少府長信太后宮名初置詹事以掌

其宮事景帝改為少府後勝卒太后素服五日以報師傅之恩○少去聲

初衛太子納史良娣太子妃有三等曰妃曰良娣曰孺子生子進號史皇孫

皇孫納王夫人生子病已以其夙多病苦號皇曾孫數

月遭巫蠱事太子妻妾男女皆遇害皇曾孫坐繫郡邸

獄故廷尉監丙吉字子陽魯人一統志入兗州府人物受詔治巫蠱獄心

知太子無事實重哀皇曾孫無辜擇謹厚女徒令乳養

之望氣者言長安獄中有天子氣武帝遣使者使去聲後同

分條中都官詔獄中都官京師諸官府也長安諸官獄三十六所故分使疏錄之繫者

無輕重皆殺之夜到郡邸獄吉閉門不納曰他人無辜死者猶不可况親曾孫乎使者不得入還以聞帝帝亦寤曰天使之也因赦天下吉聞史良娣有母及兄恭乃

以皇曾孫付之後有詔上籍宗正宗正掌親屬曾孫以太子故絕屬籍今復

也掖廷養視時掖廷令張賀嘗事衛太子掖廷令宮中寺人之官賀

以事太子思顧舊恩哀曾孫奉養甚謹欲以女孫妻之

妻去賀弟安世為右將軍輔政曰曾孫乃衛太子後也

勿復言予女事予上時暴室嗇夫許廣漢有女暴室曬

職務既多因以置獄其屬有嗇夫一人以閹人為之○暴音僕賀以家財聘之曾孫因

依廣漢兄弟及史氏受詩於東海復中翁姓復字中翁○復音福中

音高材好學好去亦喜游俠鬪雞走馬上下諸陵周徧

三輔及昌邑王廢霍光等議所立未定吉奏記光曰武

帝曾孫名病已者年十八通經術有美材行安而節和

行去願將軍定大策杜延年亦勸立焉光遂奏太后迎

曾孫即位侍御史嚴延年字次卿下邳人今江南淮安府邳州有下邳廢縣劾

奏光擅廢立主無人臣禮奏雖寢朝廷肅然敬憚之

丞相敞卒以蔡義為丞相義河內溫人今河南懷慶府溫縣義以明經給

事大將軍幕府昭帝召見說詩擢光祿大夫秩比二千石數

歲為丞相年八十餘貌似老嫗或謂光置宰相用可專

制者光曰以為人主師當為相何謂云云相並去聲

冬十一月公卿議立皇后皆心擬霍光女帝乃詔求微時
故劔大臣知指白立許倅仔爲皇后光以后父廣漢刑
人不宜君國歲餘乃封爲昌成君

戊申宣帝本始元年春大將軍光稽首歸政帝謙讓不受事

皆先關白光然後奏御時光子禹及兄孫雲山諸壻外

孫根據於朝廷每朝帝虛已斂容禮下之已甚

朝並音潮

己酉二年春昭帝之喪大司農僦民車

僦賃也卽就切

田延年詐增

僦直盜取錢三十萬爲怨家所告御史大夫田廣明

字子

公漢書酷吏傳鄭人謂杜延年曰春秋之義以功覆過

覆敷救切

當廢

昌邑王時非田子賓大事不成願以愚言白大將軍延

年言之光曰當發大議時震動朝廷因自撫心曰使我
至今病悸謝田大夫曉大司農通往就獄得公議之廣
明使人語延年延年曰幸寬我耳何面目入牢獄遂自
刎死

庚戌三年霍光夫人顯欲貴其少女成君

少去聲

會許后當娠

病女醫淳于衍嘗入宮侍疾春正月顯使衍投毒藥以
飲后后崩有告諸醫侍疾無狀者皆收繫詔獄顯恐具
語光曰旣失計爲之無令吏急衍光大驚欲發舉不忍
奏上光署衍勿論顯因勸光納其女入宮

辛亥四年春三月立大將軍光女爲皇后初許后起微賤登

至尊日淺從官車服甚節儉及霍后立侍從益盛從並去聲賞賜官屬以千萬計

癸丑地節二年春三月大將軍光病車駕自臨問為之涕泣

為去聲即日拜光子禹為右將軍光卒謚曰宣成賜葬具

如乘輿制度乘去聲置園邑三百戶

夏六月帝思報大將軍德乃封霍山為樂平侯樂音洛使以

奉車都尉領尚書事御史大夫魏相御史大夫位副丞相今左都御史

因許廣漢奏封事言春秋譏世卿今光死子為右將軍

兄子秉樞機昆弟諸壻任兵官驕奢放縱宜損其權以

全功臣之世又故事諸上書者皆為二封署其一曰副

領尚書者先發副封武帝時左右曹諸吏分平尚書所奏事知樞要者始領尚書事

言不善屏去不奏屏音餅相復因許伯即廣漢白去副封以

防壅蔽帝善之詔相給事中漢三公九卿皆外朝給事中得出入禁中備顧問

甲寅三年夏四月立子奭為皇太子封太子外祖許廣漢為

平恩侯以丙吉為御史大夫疏廣為太子太傅廣字仲翁東海

蘭陵人在兗州府嶧縣廣兄子受為少傅受字公子少去聲霍顯聞太子

立怒恚不食曰此乃民間時子安得立即后有子反為

王邪鈺音復教皇后令毒太子復扶又切皇后數召太子賜食

保阿輒先嘗之后挾毒不得行保阿保母阿母也○數音朔阿於何切

秋九月帝頗聞霍氏毒殺許后乃徙光諸壻為他官收其

印綬更以張安世為衛將軍兩宮衛尉城門北軍兵屬
焉以霍禹為大司馬而罷其屯兵諸領羽林及兩宮衛
將屯兵將去聲悉以所親許史子弟代之許延壽史高也

乙卯四年霍顯及禹山雲日見侵削數相對啼泣數音朔始有

邪謀會雲舅李竟坐與諸侯交通辭及霍氏有詔雲山

不宜宿衛山陽太守張敞字子高平陽府人山陽在兗州府金鄉縣上封事

曰乃者大將軍盛時感動天地侵迫陰陽朝臣宜有明

言朝音潮下同請罷霍氏三侯就第明詔以恩不聽羣臣以

義固爭而後許之朝臣以下言當如此天下必以陛下為不忘功

德而羣臣為知禮霍氏世世無所患苦臣願於廣朝白

發其端直守遠郡其路無由帝甚善其計然不召也禹

山等又謀令太后置酒召丞相平恩侯以下使范明友

鄧廣漢皆光皆承太后制引斬之因廢天子而立禹

秋七月禹等事覺雲山明友自殺顯禹廣漢等皆伏誅皇

后霍氏廢初霍氏奢侈茂陵徐福上疏茂陵在西安府興平縣言

宜以時抑制無使至亡及霍氏誅滅而告者皆封人為

徐生上書曰為去聲臣聞客有過主人者見其竈直突傍

有積薪客謂主人更為曲突遠徙其薪不者且有火患

主人不應俄而失火鄰里共救之幸而得息殺牛置酒

謝其鄰人而不錄言曲突者人謂主人曰鄉使聽客之

言鄉音不費牛酒終無火患今論功請賓曲突徙薪無

恩澤焦頭爛額為上客邪音主人乃寤而請之茂陵徐

福數上書言霍氏且有變數音宜防絕之使福說得行

則國無裂土出爵之費臣無逆亂誅滅之敗往事既已

而福獨不蒙其功惟陛下察之帝乃賜福帛十疋以為

郎帝初立謁見高廟霍光驂乘去聲帝嚴憚之若有芒

刺在背後張安世代光驂乘上從容肆體甚安近焉從

容切故俗傳霍氏之禍萌於驂乘

丁巳元康二年帝欲立皇后懲艾霍氏欲害皇太子艾音乃

選後宮無子而謹慎者立王婕妤為皇后令母養太子

戊午三年春三月封丙吉等為列侯吉為人深厚不伐善自

曾孫遭遇吉絕口不道前恩會掖庭宮婢自陳有阿保

之功阿於何切後同辭引使者丙吉知狀使去聲帝親見問知吉

有舊恩而終不言大賢之初張賀嘗為弟安世稱皇曾

孫之美材及徵怪安世輒止之以為少主在上少去聲不

宜稱述曾孫及帝即位而賀已死帝謂安世曰掖庭令

平生嘗稱我將軍止之是也詔封賀子彭祖及吉等皆

為列侯故人嘗有阿保之功者皆受官祿田宅財物有

差差不等也吉臨當封而病帝憂其不起夏侯勝曰有

陰德者必享其祿今吉未獲報非死疾也果愈安世以

為父子封侯在位太盛乃辭祿安世謹慎周密每定大政已決輒移病出聞有詔令乃驚使吏之丞相府問焉朝廷大臣莫知其與議也與去聲嘗有所薦其人來謝安世以為舉賢達能豈有私謝絕弗與通有郎功高不調遷也自言於安世安世曰君之功高明主所知人臣執去聲事何長短而自言乎絕不許已而郎果遷

帝心忌故昌邑王賀使山陽太守張敞察之時昌邑國除為山陽郡

敞言賀清狂不慧帝知其不足忌封為海昏侯

己未四年春正月大司馬衛將軍富平侯張安世卒謚曰敬
庚午甘露三年畫功臣於麒麟閣凡十一人唯霍光不名曰

大司馬大將軍博陸侯姓霍氏後明帝永平二年帝如

長安時都洛陽車駕至西安府也遣使者以中牢祠蕭何霍光使去聲

帝過式其墓何墓在咸陽縣北三十五里光墓在興平縣東北茂陵平陵之間

宣帝紀略
 本始元年大將軍霍光稽首歸政光字子孟平陽人帝
 謙讓不受時光既誅上官桀遂以刑罰繩下俗吏皆尚
 嚴酷河南丞黃霸字次公陽夏人今河南開封府太康縣獨用寬和為名
 帝聞其持法平召為廷尉正數決疑獄庭中稱平廷尉正今
 大理寺卿
 三年正月霍光夫人顯毒殺許皇后見霍光秉政
 六月以韋賢為丞相賢字長孺魯國鄒人今山東兗州府鄒縣魏相為御史大
 夫相字弱翁定陶人今兗州府定陶縣趙廣漢為京兆尹廣漢
 字子都蠡吾人今直隸保定府蠡縣今直隸保定府蠡縣初廣漢為潁川太守今開封府禹州
 定府蠡縣京兆今之府尹

宣帝紀略

戊申 本始元年大將軍霍光稽首歸政光字子孟平陽人帝

謙讓不受時光既誅上官桀遂以刑罰繩下俗吏皆尚

嚴酷河南丞黃霸字次公陽夏人今河南開封府太康縣獨用寬和為名

帝聞其持法平召為廷尉正數決疑獄庭中稱平廷尉正今

大理寺卿

庚戌 三年正月霍光夫人顯毒殺許皇后見霍光秉政

六月以韋賢為丞相賢字長孺魯國鄒人今山東兗州府鄒縣魏相為御史大

夫相字弱翁定陶人今兗州府定陶縣趙廣漢為京兆尹廣漢

字子都蠡吾人今直隸保定府蠡縣今直隸保定府蠡縣初廣漢為潁川太守今開封府禹州

定府蠡縣京兆今之府尹宣帝紀略 二十七

其俗豪傑相朋黨廣漢為鉅筭斷竹為之。上為小孔。可入。不可出。○鉅音項。筭

音同受吏民投書使相告訐於是姦黨散落及為京兆尤

善為鉤鉅鉤致也。如鉤之有距。吞之則順。吐之則逆。以使人入術中。不能出。以鉤索其隱情也。

得事情遇吏殷勤甚備周密也。推善於下。行之發於至誠。

吏願為用。閭里銖兩之姦皆知之。其發姦擿伏如神。自

漢興治京兆者莫能及。

辛亥四年春三月立霍光女為皇后。

夏四月地震山崩二郡壞祖宗廟帝素服避正殿詔舉賢

良方正以夏侯勝為諫大夫勝字長公魯國人。今兗州府。諫大夫秩比八百石。

黃霸為揚州刺史治歷陽。今江南和州。勝質樸簡易去聲。無威儀或

時謂帝為君誤稱字於前君前稱臣名。而呼字也。帝亦以是親信

之朝廷每有大議朝音潮。後同。帝曰先生建正言無懲前事

尋遷長信少府太后宮官。○少去聲。

壬子地節元年冬以于定國為廷尉定國字曼倩。鄉人。今兗州府鄉城縣。定國

決獄平法朝廷稱之曰張釋之為廷尉天下無冤民于

定國為廷尉民自以不冤初定國父于公為獄吏東海

有孝婦寡居漢鄉縣屬東海郡。養姑不嫁姑曰婦事我勤無子

守寡我老久累丁壯奈何因自經死姑女告婦殺母婦

不能辯誣服于公爭之不得婦死東海旱三年後太守

因公言致祭立雨今鄉城縣東十里。有孝婦墓。公治門閭曰少高大

令容駟馬高蓋我治獄多陰德子孫必有興者後定國
果由廷尉為丞相相去聲
後同

丑癸 二年春三月大司馬大將軍霍光卒帝始親政事魏相

給事中漢給事中為加官得入禁中帝興於閭閻知民事之艱難厲

精為治五日一聽事自丞相以下各奉職奏事考試功

能上下相安莫有苟且之意及拜刺史守相去聲輒親見

問退而考察所行有名實不相應必知其所以然嘗稱

曰庶民所以安其田里而無嘆息愁恨之心者政平訟

理也與我共此者其惟良二千石乎太守吏民之本數

變易則下不安數音朔民知其將久不可欺罔乃服從其

教化故二千石有治理效輒以璽書勉勵增秩賜金或

爵至關內侯公卿缺則選用之漢世良吏於斯為盛

甲寅 三年春詔曰膠東相王成勞來不怠勞來並去聲流民自占

八萬餘口治有異等之效其賜成爵關內侯或言成偽

增蒙賞是後俗吏多為虛名云膠東治山東萊州府平度州即墨故城

夏四月立子奭為皇太子

五月丞相韋賢以老病乞骸骨罷丞相致仕自賢始

六月以魏相為丞相丙吉為御史大夫吉字子陽魯人兗州府曲阜縣相

好觀漢故事數條漢興以來國家便宜行事數音朔及賢

臣賈誼鼂錯董仲舒等所言奏請施行之敕掾吏按事

郡國及休告從家還至府。還音旋輒白四方異聞或有逆

賊災變輒奏言之與丙吉同心輔政帝皆重之。

以疏廣為太子太傅。廣字仲翁東海蘭陵人今兗州府嶧縣兄子受為少傅。

受字公子少去聲太子外祖平恩侯許伯謂太子少去聲白使其

弟中郎將舜監護太子家。將去聲帝以問廣對曰太子國

副儲君師友必天下英俊不宜獨親外家且太子官屬

已備復使舜護太子家示陋非所以廣太子德於天下

也帝以語魏相相免冠謝曰此非臣等所及廣由是見

器重。

京師大雨雹犬行丞東海蕭望之。字長倩嶧縣人上言陰陽不和

是大臣任政一姓專權之所致也唯陛下躬萬機選同

姓舉賢才以為腹心帝素聞望之名拜為謁者。秩比六百石

初孝武使張湯趙禹之屬條定法令作見知故縱監臨部

主之法。見知人犯法不舉告為故縱有罪而并坐其監臨部主也禁罔寢密律令煩

苛至是廷尉史路溫舒。字長君巨鹿人今直隸順德府平鄉縣上書曰臣

聞秦有十失。羞文學好武勇賤仁義貴獄吏罪誹謗禁妖言盛服先生不用於世忠良切言皆鬱

於胸喜虛譽蒙實禍其一尚存治獄之吏是也獄者天下之大命

也死者不可復生絕者不可復屬今治獄吏上下相毆

驅以刻為明深者獲公名平者多後患語曰畫地為獄

議不入刻木為吏期不對此皆疾吏之風悲痛之辭也

惟陛下省法制寬刑罰則太平之風可興帝善其言詔

置廷尉平每季秋後請讞詳審也彥帝常幸宣室齋居

決事宣室未央宮中側殿名獄刑號為平矣涿郡太守鄭昌涿郡今直

隸順天請刪定律令則愚民知所避奸吏無所弄今不

正其本而置廷平政衰聽怠則廷平將招權而為亂首

矣

乙卯四年秋七月霍顯及禹山雲等謀逆誅死皇后霍氏廢

詳霍光秉政

廬江朱邑字仲卿一統志入初為桐鄉嗇夫廉平不苛吏

民愛敬之遷北海太守今山東青州府九月以治行第一行去聲

入為大司農掌錢穀秩中二千石邑為人醇厚篤於故舊然性公

正不可交以私帝器之後病且死屬其子曰我故為桐

鄉其吏民愛我必葬我桐鄉後世子孫奉嘗我不如桐

鄉民其子從之桐鄉民果為邑起冢立祠歲時祠祭不

絕今安慶府桐城縣有邑墓及祠

先是渤海歲饑今直隸河間府滄州盜賊並起帝選能治者丞相御

史舉龔遂字次卿山陽人今兗州府金鄉縣有山陽城拜為渤海太守召問

何以治盜對曰海瀕遐遠不沾聖化故使陛下赤子盜

弄陛下之兵於潢池中耳潢水所積也音黃今欲使臣勝之邪

音將安之也帝曰選用賢良固欲安之也遂曰治亂民

猶治亂繩不可急也。願無拘臣文法，得一切便宜從事。帝許焉。乘傳至渤海界，郡聞新太守至，發兵以迎。遂皆遣還，移書敕屬縣悉罷逐捕盜賊吏，諸持田器者皆為良民，吏毋得問。持兵者乃為賊，遂單車至府。盜賊聞遂教令，即時解散，棄其兵弩而持鉤鉏。於是率以儉約勸民農桑，民有帶持刀劍者，使賣劍買牛，賣刀買犢，曰：何為帶牛佩犢？勞來循行。勞來並去聲郡中皆有蓄積，獄訟止息。至是以為水衡都尉。掌上林苑秩二千石

丙辰元康元年夏五月，京兆尹趙廣漢見事風生，無所回避，嘗以私怨論殺男子榮畜人，上書言之。事下丞相御史

案驗廣漢疑丞相夫人殺侍婢，欲以脇丞相。丞相上書自陳，事下廷尉治。不如廣漢言，乃下廣漢獄。吏民守闕號泣者數萬人。號平聲願代之死，竟坐腰斬。百姓追思歌之。

帝選博士諫官通政事者，補郡國守相。去聲以諫大夫蕭望之為平原太守。治山東濟南府平原縣望之上疏曰：陛下哀愍百姓，出諫官以補郡吏，然朝無爭臣，則不知過。爭去聲所謂憂其末而忘其本者也。乃徵望之入守少府。少去聲以尹翁歸為右扶風。翁歸字子况，平陽人。扶風治渭城，在陝西西安府咸陽縣。翁歸為人公廉明察，為東海太守，過辭廷尉于定國。定國欲托

邑子同邑人子與翁歸語終日不敢見曰此賢將去聲汝不任

事也又不可干以私郡中吏民賢不肖及奸邪罪名盡

知之縣各有記籍披籍取人以一警百吏民皆服其為

扶風選用廉平以為右職地道尊右故高職曰右職清潔自守語不

及私然溫良謙退不以行能驕人行去聲故尤得名譽

丁巳二年五月詔曰獄者萬民之命能使生者不怨死者不

恨則可謂文吏矣今則不然用法或持巧心析律貳端

深淺不平增辭飾非以成其罪奏不如實上無由知二

千石各察官屬勿用此人吏或擅興徭役飾廚傳稱過

使客過往之客剝民以稱其意也○傳稱去聲越職踰法以取名譽譬猶踐

薄冰以待白日豈不殆哉天下被疾疫之災其令被災

甚者毋出今年租賦

帝以蕭望之經明持重材任宰相欲詳視其政事以為左

馮翊今陝西西安府高陵縣有馮翊城○馮音憑後同望之從少府出為左遷

即移病帝使侍中金安上諭意曰君前為平原太守日

淺故復試之於三輔非有所聞也望之即起視事三輔京兆

馮翊扶風也

夏六月時皇太子年十二通論語孝經太傅疏廣謂少傅

受曰吾聞知足不辱知止不殆今宦成名立如此不去

懼有後悔即日俱移病上疏乞骸骨歸帝皆許之加賜

黃金二十斤。皇太子贈五十斤。公卿故人設祖。供張東都門外。送者車數百兩。張兩並去聲道路觀者皆曰：賢哉！二

大夫廣受歸鄉里。賣金供具。請族人故舊賓客與相娛樂。音洛下同或勸廣為子孫頗立產業。廣曰：賢而多財。則損

其志。愚而多財。則益其過。且富者眾之怨也。吾既無以教化子孫。不欲益其過而生怨。又此金者。聖主所以惠

養老臣。故樂與鄉黨宗族共饗其賜。以盡吾餘日。不亦可乎？族人悅服。今嶧縣東四十里有二疏城。城內有散金臺。

穎川太守黃霸。穎州今禹州。霸見前本始元年。力行教化而後誅罰。務在成就安全。長吏有許丞老病聾。許今開封府許州。督郵白欲逐

之。郡有部督郵。分部屬縣。霸曰：許丞廉吏。重聽何傷。數易長吏。數音

朔送故迎新之費。及姦吏因緣絕簿書。絕棄匿也。盜財物。公私廢耗甚多。所易新吏。又未必賢。或不如其故。徒相益

為亂。凡治道去其太甚者耳。霸內寬外明。得吏民心。治為天下第一。徵守京兆尹。尋坐法貶秩。復歸守穎川。

己未四年。求高祖功臣子孫失侯者。賜金。復其家。凡三百十六人。

初。扶陽節侯韋賢卒。長子弘有罪繫獄。長上聲家人矯賢令。以次子立成為後。立成深知其非賢雅意。即陽狂不應。

召大鴻臚奏狀。臚音盧章下丞相御史案驗。立成友人侍

郎章史逸其姓上言聖王貴以禮讓為國宜優養立成勿枉

其志使得自安衡門之下丞相御史劾奏立成實不病

有詔勿劾引拜立成不得已受爵帝高其節以為河南

太守今河南河南府

庚申神爵元年春帝頗修武帝故事聞益州有金馬碧雞之

神今雲南省城有金馬碧雞二山遣諫大夫王褒持節求之褒字子淵蜀人今四

川成都府初帝以褒有俊才使作聖主得賢臣頌其略曰君

人者勞於求賢而逸於得人世必有賢智之君而後有

賢明之臣虎嘯而風冽龍興而致雲蟋蟀俟秋塗吟蟀通

螭出以陰螭螭通故聖主待賢臣而弘功業俊士亦俟明

主以顯其德上下俱欲驩然交欣翼乎如鴻毛遇順風

沛乎若巨魚縱大壑休徵自致壽考無疆何必偃仰屈

申若彭祖姓籛名鏗堯舜時人响噓呼吸如喬松哉喬松王喬赤松子也時

帝頗好神仙好去聲故褒對及之後京兆尹張敞亦上疏

諫敞字子高平陽府人帝乃悉罷尚方待詔帝頗修飾宮室車服

外戚許史王氏貴寵諫大夫王吉上疏曰吉字子陽臯虞人今萊州

府即墨縣東有臯虞城

陛下維思世務將興太平詔書每下民欣

然若更生公卿幸得遭遇其時言聽諫從然未有建萬

世之長策舉明主於三代之隆其務在於期會簿書斷

獄聽訟而已此非太平之基也臣聞宣德流化必自近

始故宜謹選左右慎擇所使述舊禮明王制除任子之

令子弟以父兄得外家及故人可厚以財不宜居位去

角觥武帝初作角抵之戲兩兩相敵也減樂府省尚方尚方制服明示

天下以儉帝以其言為迂濶吉謝病歸

四月遣後將軍營平侯趙充國擊西羌充國字翁孫上邽人在陝西鞏昌府

秦州詳見充國破羌

京兆自趙廣漢後更黃霸等數人不稱職更平聲稱去聲惟張敞

能繼其迹時長安多盜敞求得偷盜酋長數人長上聲召

見責問令致諸偷以自贖一月得數百人窮治行法由

是市無偷盜敞賞罰分明而時時越法有所縱捨本治

春秋以經術自輔不純用誅罰以此能自全

辛酉二年後將軍趙充國振旅而還詳見充國破羌○還音旋

初蓋寬饒為衛司馬寬饒字次公魏郡人今直隸大名府○蓋音閣及代衛卒數

千人請復留一年以報寬饒厚德帝嘉之擢為司隸校

尉督察三輔及三河弘農郡寬饒剛直公清數犯上意數音朔時帝方

用刑罰任中書宦官寬饒奏封事曰方今聖道浸微儒

術不行以刑餘為周召以法律為詩書又引易傳去聲言

五帝官天下三王家天下家以傳子孫官以傳賢聖書

奏帝以寬饒怨謗下執金吾議執金吾掌徼循京師秩中二千石以為

寬饒意欲求禪大逆不道諫大夫鄭昌上書訟之曰臣

聞山有猛獸。藜藿為之不採。國有忠臣。姦邪為之不起。寬饒進有憂國之心。退有死節之義。上無許史之屬。許廣

漢史高也。屬音祝。下無金張之託。金日磾。張安世。直道而行。多仇少與。

臣幸得從大夫之後。官以諫為名。不敢不言。帝竟下寬饒吏。寬饒引佩刀自剄北闕下。眾庶莫不憐之。

壬戌三年春三月。丞相高平侯魏相卒。謚曰憲。以丙吉為丞

相。吉尚寬大。好禮讓。好去聲。嘗出逢羣鬪死傷。不問。逢牛

喘。使問牛行幾里。或譏吉失問。吉曰。民鬪。京兆當禁。宰

相不親小事。非所當問也。方春未熟。恐牛近行。用暑故

喘。用因也。此時氣失節。三公調陰陽。職當憂。時人以為知

大體

秋七月。以蕭望之為御史大夫。

八月。詔曰。吏不廉平。則治道衰。今小吏皆勤事而俸祿薄。

欲無侵漁百姓。難矣。其益吏百石以下。俸十五。

以韓延壽為左馮翊。延壽字長公。燕人。一統志入。直隸順天府人物。○馮音憑。始延壽

為潁川太守。承趙廣漢之後。俗多怨讎。延壽教以禮讓。

黃霸代之。因其迹而大治。其在東郡。今山東東昌府治。令行禁

止。斷獄大減。姦人不敢入界。及人為馮翊。行縣至高陵。

即馮翊治。民有昆弟訟田。延壽大傷之。曰。幸得備位。為郡表

率。不能宣明教化。至今民有骨肉爭訟。咎在馮翊。因閉

閣思過於訟者自悔願以田相移不敢復爭郡中翕然傳相救厲二十四縣莫敢以辭訟自言者

癸亥

四年夏四月潁川太守黃霸在郡八年政事愈治時鳳

凰神爵數集郡國

數音朔

潁川尤多賜爵關內侯數月徵

為太子太傅

冬十月河南太守嚴延年

字次卿下邳人今江南淮安府邳州

陰鷲酷烈冬

月論囚流血數里河南號曰屠伯素輕黃霸及霸以鳳

凰被褒心內不服郡界有蝗延年曰此蝗豈鳳凰食邪

音鈺

府丞義老

義丞名

素畏延年恐見中傷

中去聲

上書言延

年罪因自殺事下案驗得怨望誹謗數事坐棄市初延

年母從東海來

漢下邳縣屬東海郡

適見報囚大驚便止都亭不

肯入府因數責延年曰

數上聲

天道神明人不可獨殺我

不意當老見壯子被刑戮也去汝東歸掃除墓地耳遂

去歲餘果敗東海莫不賢智其母

甲子

五鳳元年冬十二月蕭望之聞左馮翊韓延壽在東郡

時放散官錢千餘萬使御史案之延壽即部吏案校望

之在馮翊時廩犧官錢

廩主藏穀犧主犧牲

放散百餘萬望之言

職在總領天下聞事不敢不問而為延壽所持帝不直

延壽各令窮竟望之卒無事實延壽以在東郡試騎士

日車服侍衛奢僭逾制等事竟坐棄市吏民送之爭奏

酒食也延壽不忍距逆人人為飲計飲酒石餘使謝

送者百姓莫不流涕

乙丑二年秋八月丞相丙吉年老帝重之望之嘗奏言三公

非其人則三光為之不明今日月少光咎在臣等帝以

其意輕吉會司直奏望之遇丞相禮節倨慢又使吏私

買賣有所附益請逮捕繫治詔左遷為太子太傅

光祿勳平通侯楊惲字子幼丞相敞子華陰人今西安府華陰縣○惲音縕初為中

郎將去聲廉潔無私故事令郎出錢乃得出沐名曰山郎

山為財用之所出也惲罷之皆以法令從事有過輒奏免薦其有

行能者行去聲下同郎官化之莫不自厲擢為光祿勳中二千石

輕財好義好去聲下同殿中稱其廉平然伐其行能又好發

人陰私由是多怨太僕戴長樂音洛告惲怨望免為庶人

丙寅三年春正月丞相博陽侯丙吉卒謚曰定吉病帝臨問

以誰可以自代者吉薦杜延年字幼公周子杜衍人于定

國見前地節元年陳萬年字幼公沛郡相人今江南南陽府後三

人居位皆稱職稱去聲帝稱吉為知人

二月以黃霸為丞相霸材長於治民及為丞相功名損於

治郡京兆尹張敞舍鷓雀飛集丞相府鷓鴣通音芬霸以為

神雀議欲以聞後知從敞舍來乃止時史高以外屬貴

重霸薦高可太尉帝使尚書召問霸太尉官罷久矣夫

宣明教化。扶夫音通達幽隱，使獄無冤刑，邑無盜賊。君之

職也。將相之官，朕之任焉。將相並去聲高帷幄，近臣朕所自

親。君何越職而舉之？霸免冠謝罪，自後不敢復有所請。

丁卯四年春，大司農中丞耿壽昌司農中丞秩千石奏言：歲豐穀賤，

農人少利，故事歲漕關東穀四百萬斛以給京師，用卒

六萬人，宜糴三輔等郡穀供京師，可省關東漕卒過半。

又令邊郡皆築倉，穀賤增價而糴，穀貴減價而糴，名曰

常平倉，民便之。帝賜壽昌爵關內侯。

故平通侯楊惲既失位，家居治產業，以財自娛。其友安定

太守西河孫會宗以書戒之。安定治陝西平涼府鎮原縣西河今山西汾州府

言大臣廢當闔門惶懼，為可憐者，不當治產業。通賓客，

有名譽，憚宰相子，有才能，以晻昧見廢。晻暗同內懷不服，

報會宗曰：過大行虧。行去聲常為農夫以沒世矣。田家作

苦，歲時伏臘烹羊炰羔，斗酒自勞。去聲酒後耳熱，仰天拊

缶而呼烏烏。秦聲其詩曰：田彼南山，田音甸蕪穢不治，種一

頃豆，落而為箕。山高而在陽，人君之象。蕪穢不治，喻朝廷之荒亂也。一頃百畝，以喻百官。豆當

登於困倉而零落在野，喻己之見棄也。人生行樂耳，須富貴何時。樂音洛會

有日食之變，或告惲驕奢所致。案得所與會宗書，帝惡

而殺之。惡烏路切

戊辰甘露元年春，公卿奏京兆尹張敞為楊惲之黨，不宜處

位處上聲帝惜敞材寢其奏敞使掾絮舜案事絮音初舜私

歸其家曰五日京兆耳安能復案事敞聞收舜繫獄使

告之曰五日京兆竟何如竟致其死後為舜家所告免

為庶人數月京師吏民解弛懈解音枹鼓數起枹音膚冀

州部中有大賊冀州治在直隸真定府高邑縣帝思敞功召敞使者至

使去聲下同妻子皆泣敞獨笑曰吾身亡命為民郡吏當就

捕今使者來此天子欲用我也詣公車引見拜冀州刺

史到部盜賊屏迹屏音餅

皇太子柔仁好儒好去聲下同見上所用多文法吏以刑名繩

下嘗侍燕從容言陛下持刑太深宜用儒生從干容切帝作

色曰漢家自有制度本以霸王道雜之奈何純任德教

用周政乎乃歎曰亂我家者太子也次子淮陽憲王欽

好法律聰達有材帝由是疏太子而愛憲王常欲立之

然因太子起於微細帝少依許氏及即位而許后以弑

死故弗忍也久之拜韋玄成為淮陽中尉以玄成嘗讓

爵於兄見前元康四年欲以感喻憲王由是太子遂安

庚午三年春正月匈奴呼韓邪單于來朝潮音帝以戎狄賓服

思股肱之美乃圖畫其人於麒麟閣畫胡界切法其容貌署

其官爵姓名唯霍光不名曰大司馬大將軍博陸侯姓

霍氏其次曰衛將軍富平侯張安世字子孺杜陵人在

車騎將軍龍頡侯韓增韓王信之後居長安今西安府長安縣後將軍營

平侯趙充國見前神爵元年丞相高平侯魏相見前本始元年丞相博

陽侯丙吉見前本始三年御史大夫建平侯杜延年見前五鳳三年宗

正陽城侯劉德字路叔楚元王曾孫少府梁丘賀字長翁琅琊諸人今青州府諸

城太子太傅蕭望之見前本始三年典屬國蘇武字子卿杜陵人凡十

一人

以于定國為丞相

詔諸儒講五經異同蕭望之等平奏無所可否也帝親稱制臨

決乃立梁丘易梁丘即梁丘賀大小夏侯尚書大夏侯名勝見前本始四年小

夏侯名建字長卿勝從子穀梁春秋博士穀梁赤一名淑字元始魯人今兗州府

帝以太子所幸司馬良娣死忽忽不樂音洛令皇后擇後宮

得元城王政君元城今直隸大名府元城縣送太子宮

生成帝為世適皇孫適音滴帝愛之名曰鶩字太孫常置

左右為大戎周衰戎過諸夏自隴山以東及乎伊洛往

壬申黃龍元年冬十二月帝崩太子奭即皇帝位

癸卯光武帝建武十九年春尊孝宣廟為中宗

拘執以為奴隸後亡歸居三河間今陝西西寧衛有子

庚申 光武皇帝數年十次平春尊奉宣德為中宗

壬申 黃龍示平冬十二日帝崩太子爽唱皇帝封

式古國為丞相

詔坐知帝為世敵皇新敵音帝愛之各曰驚宇太新常置

爵示越王如錄如音唱王莽故率示皇司發太子宮

帝以太子伯幸后無其然亦恐不樂音今皇司對對宮

趙充國破羌

西羌出自三苗其初國近衡山在湖廣岳州長沙諸地及舜徙之三

危在陝西涼州衛西即漢金城諸羌地也在夏為畎夷商為鬼

方周為犬戎周衰戎逼諸夏自隴山以東及乎伊洛往

往有戎隴山在陝西鳳翔府隴州西北伊洛二水名在河南河南府秦厲公時周元

定王之世有無弋爰劍者無弋羌言奴隸以爰劍嘗為秦所

拘執以為奴隸後亡歸居三河間今陝西西寧衛有三河指黃河浩亶河

湟河也音門秦獻公立欲復穆公之迹爰劍之孫印避秦

之威出河曲西數千里其子孫或為犛牛種曰越雋羌

在四川或為白馬種曰廣漢羌在四川或為參狼種曰

武都羌在陝西鞏昌府階州獨爰劔曾孫忍舞留湟中忍生九子

為九種舞生十七子為十七種忍子研最豪健其後為

研種漢景帝時研種求徙於狄道安故今陝西臨洮府蘭州西南有狄

道城即羌屯處安武帝又西逐渡河湟初置河西四郡

故故城亦在蘭州武威今永昌衛張掖今甘州衛酒泉其後先零種圍枹

罕先零枹罕並在陝西河州漢兵擊平之始置護羌校

尉統領焉

己未宣帝元康四年光祿大夫義渠安國使行諸羌使去聲先

零豪言願渡湟水北逐民所不田處畜牧安國以聞是

後羌人緣前言抵冒渡湟水郡縣不能禁既而先零與

諸羌解仇素有怨隙皆共除之交質盟詛質音致後將軍營平侯趙

充國字翁孫上邽人故縣在鞏昌府秦州言匈奴數誘羌人數音朔欲與共

擊張掖酒泉使羌居之間者匈奴困於西方間去聲疑其

更遣使至羌中與相結使去聲下同宜及未然為之備後月

餘羌侯狼何果遣使至匈奴藉兵欲擊鄯善燉煌鄯善在陝

西嘉峪關外哈密界以絕漢道充國請遣使行邊豫為備毋令解

仇以發覺其謀於是復遣安國行視諸羌分別善惡

庚申神爵元年三月義渠安國至羌中召先零諸豪三十餘

人以尤桀黠者皆斬之黠下八切縱兵擊其種人斬首千餘

級於是降羌及歸義羌侯楊玉等怨畔降戶江切後同劫略小

種犯塞殺長吏長上聲安國將騎二千屯備羌將去聲至浩

疊在臨洮府金縣漢書注音合門今土人仍稱浩門為羌所敗引還至今居以

聞令居在西寧衛境今音零時趙充國年七十餘帝老之使問充國

誰可將者將去聲充國對曰無踰於老臣者矣帝問度用

幾人度音鐸後同充國曰百聞不如一見兵難遙度願至金

城圖上方略帝遣之金城今臨洮府金縣允吾城六月充國至金城

須兵滿萬騎欲渡河恐為虜所遮夜遣三校銜枚先渡

營陣畢乃盡渡虜數百騎出入軍傍充國曰吾士馬倦

不可馳逐而此皆驍騎且恐誘兵也擊虜以殄滅為期

小利不足貪令軍勿擊常以遠斥候為務行必為戰備

止必堅營壁日饗軍士士皆欲為用虜數挑戰充國堅

守遣告種豪犬兵誅有罪者明白自別毋取并滅天子

告諸羌人能相捕斬除罪仍以功大小賜錢有差義宜切

又以其所捕妻子財物盡與之欲以威信招降罕开羌

二種後合為一音罕牽及劫略者解散虜謀徼其疲劇擊之時帝

發內郡兵屯邊者合六萬人矣酒泉太守辛武賢狄道人

請以七月齋三十日糧擊罕开充國以為一馬自負三

十日食米負二斛四斗麥負八斛難以追逐深入虜即據前險守後

阨以絕糧道必有傷危之憂非至計也且先零首為畔

逆他種劫略因先零而劫略也故臣請捐罕开闇昧之過先行

先零之誅以震動之宜悔過反善因赦其罪選擇良吏
 拊循和輯此全師保勝安邊之策帝下其書議者以為
 先零兵盛而負罕开之助不先破罕开則先零未可圖
 也帝乃拜侍中許延壽為彊弩將軍武賢為破羌將軍
 以書敕讓充國充國上書言先擊罕开先零必助之今
 虜馬肥糧食方饒擊之恐不能傷害適使先零得施德
 於罕开堅其約合其黨臣恐國家之憂不二三歲而已
 以今進兵誠不見其利璽書報從充國計充國乃引兵
 至先零在所在所猶虜久屯聚懈弛望見大軍棄車重
 欲渡湟水源出臨洮府蘭州西百餘里大小道阨陁音

義同充國徐行驅之溺死者數百降斬五百餘人獲馬牛

羊十餘萬頭車四千餘兩音亮至罕地令軍毋燔聚落及

芻牧田中罕羌喜曰漢果不擊我矣竟不煩兵而下帝

詔武賢等與充國進擊先零時羌降者萬餘人充國度

其必壞欲罷騎兵屯田以待其敝作奏未上會得進兵

璽書其子卬使客諫曰誠令兵出破軍殺將以傾國家

將去聲將軍守之可也即利與病又何足爭一旦不合上

意遣繡衣來責將軍時有繡衣使者將軍身不自保何

國家之安充國嘆曰是何言之不忠也本用吾言羌虜

得至是邪音鈔往者舉可先行羌者吾舉辛武賢丞相御

史復白遣義渠安國竟沮敗羌金城湟中穀斛八錢金城

見前湟中今吾謂耿中丞耿壽昌糴三百萬斛穀羌人不

敢動矣耿中丞請糴百萬斛乃得四十萬斛耳義渠再

使去聲且費其半羌人故敢為逆明主可與忠言遂上屯

田奏曰臣所將吏士馬牛食將去聲所用糧穀芟稿芟稿馬牛

也食調度甚廣繇役不息恐生他變調去聲且羌易以計

破易去聲難用兵碎也故臣愚以為擊之不便計度臨羌

東至浩疊臨羌今鞏昌府羌虜故田及公田民所未墾

可二千頃以上願罷騎兵留步兵分屯要害繕鄉亭浚

溝渠人三十晦同益積蓄省大費帝報曰即如將軍之

計虜當何時伏誅兵當何時得決熟計復奏充國上奏

曰臣聞帝王之兵以全取勝是以貴謀而賤戰百戰而

百勝非計之善也故先為不可勝以待敵之可勝謹條

陳屯田便宜十二事一屯田致穀威德並行二據虜肥

業四罷騎兵得省大費五令士卒循河湟漕穀示羌威

武六以閑暇繕治郵亭充入金城七令虜窳風寒之地

坐得必勝之道八無經阻遠追死傷之害九不損威重

虜難乘間十無驚動河西使生他變之憂十一治湟陁

中道橋以制西域十惟明詔采擇班師罷兵萬人留田

報曰兵決可暮月而望者謂今冬邪音謂何時也虜聞

兵頗罷且丁壯相聚攻擾田者將何以止之充國奏曰

先零羌精兵今餘不過七八千人失地遠客分散饑凍
 畔還者不絕臣愚以為遠在來春虜必瓦解充國奏每
 上輒下公卿議丞相魏相任其計可必用相字弱翁定陶人今山東
 定陶縣兗州府帝嘉納之亦以延壽武賢數言當擊於是兩從
 其計詔兩將軍出擊降斬各數千人而充國所降復得
 五千餘人詔罷兵獨充國留屯田湟中

辛酉

二年夏充國奏言羌本可五萬人已降及斬首溺河湟

饑餓死者四萬有餘請罷屯田奏可充國振旅而還旋音

所善浩星賜迎說曰浩星姓賜名說音稅眾人皆以破羌彊弩

出擊謂辛武賢許延壽也虜以破壞然有識者以為虜勢窮困兵

雖不出必自服矣將軍即見宜歸功於二將軍如此計

未失也充國曰兵勢國之大事當為後法吾年老矣爵

位已極豈嫌伐一時事以欺明主哉卒以其意對帝然

其計罷辛武賢歸酒泉秋羌若零弟澤等共斬楊玉見前

神爵元年帥煎鞏黃羝之屬四千餘人降封若零弟澤二人

為帥眾王餘皆為侯為君初置金城屬國以處降羌處上

聲詔舉可護羌校尉者四府舉武賢小弟湯四府丞相御史大夫

司徒司空充國奏湯使酒不可典蠻夷不如湯兄臨眾詔從

其言後臨眾病免五府復舉湯五府四府及大司馬湯數醉醕醕同

醉怒也數音朔羌人反叛卒如充國之言武賢以罷歸故官

深恨克國。上書告中郎將印子克國泄省中語。下吏自殺。

克國乞骸骨。賜安車駟馬。黃金六十斤。罷就第。朝廷每

有四夷大議。問籌策焉。

己甘露二年。後將軍營平侯趙充國卒。年八十六。謚曰壯。

成帝時。西羌有警。帝思將帥之臣。將去追美充國。召黃

門侍郎楊雄。即未央宮畫象頌之。

漢書卷九十九 匈奴傳第九十九 武帝征伐匈奴 匈奴歸漢 帝伐匈奴 匈奴始衰

初武帝征伐匈奴。深入窮追。二十餘年。匈奴疲極苦之。常

有欲和親意。會狐鹿孤單于。武帝太始元年立。有異母弟為左

大都尉。賢國人鄉之。單音蟬。後同鄉音向。母闕氏恐單于不立子

而立左大都尉也。闕支音燕。支後同。乃私使殺之。左大都尉同

母兄怨。遂不肯會單于庭。匈奴二十四長。首賢王。次谷蠡王。大都尉。俱分左右。

丙昭帝始元二年。狐鹿孤單于病且死。子少。去聲遺命立弟

右谷蠡王。谷音鹿。下同。及死。衛律等與顓渠闕氏謀。律。漢人。降匈奴。

立子左谷蠡王為壺衍鞬單于。左賢王及右谷蠡王皆

怨望。不肯會龍城。匈奴小會單于。庭大會龍城。匈奴始衰。

庚子六年。初蘇武在北海上。武字子卿。杜陵人。在陝西西安府咸寧縣。仗漢節

牧羊。臥起操持節旄盡落。單于使李陵至海上。為武置

酒設樂。陵字少卿。成紀人。今陝西鞏昌府秦州。武帝天漢二年。敗降匈奴。謂曰。人生如

朝露。何自苦如此。武曰。臣事君。猶子事父也。子為父死

無所恨。陵與武飲數日。復曰。子卿壹聽陵言。武曰。自分

已死久矣。分扶。問切。王必欲降武。陵為匈奴右校王。故以請為稱。○降戶江切。後同。請

畢今日之歡。效死於前。陵見其至誠。喟然嘆曰。嗟乎。義

士。陵與衛律之罪。上通於天矣。因泣下霑襟。後陵復至。

言武帝崩。武南嚮號哭。號平。聲。旦夕臨數日。及壺衍鞬單

于立國內乖離。於是衛律為單于謀與漢和親。漢使至

使去聲。下同。求武等。匈奴詭言武死。常惠私教使者。惠太原人。今山

西太原府。從蘇武官屬。匈奴別置他所。言天子射上林中。得雁足有繫帛

書。言武等在某澤中。使者如惠語。以讓單于。單于驚謝

乃歸武官屬。隨武還者九人。還音旋。後同。武至京師。詔武奉

一太牢謁武帝園廟。拜為典屬國。掌蠻夷降者。秩二千石。武留匈

奴中。凡十九年。始以彊壯出。及還。鬚髮盡白。

癸卯 元鳳三年。初冒頓破東胡。東胡餘眾散。保烏桓及鮮

卑山。為二族。武帝擊破匈奴左地。因徙烏桓於上谷。漢治

在山西保安州。漁陽。今直隸順天府密雲縣。有漁陽城。右北平。今直隸永平府。

遼東塞外。為漢偵察匈奴。置護烏桓校尉。監領之。使不

得交通匈奴。至是部眾漸彊，遂反。會匈奴擊烏桓，大將

軍霍光。字子孟，平陽人。使范明友為度遼將軍。明友，光壻。邀

擊匈奴。匈奴聞漢兵至，引去。明友遂擊烏桓，斬首六千

餘級，獲三王首。匈奴益恐，不敢出兵。

己酉宣帝本始二年，烏孫公主及昆彌上書。昆彌，烏孫王號。言匈奴

侵暴，願發精兵五萬騎，從漢兵擊匈奴。秋，遣祁連將軍

田廣明出西河。廣明，字子公，鄭人。西河，在山西汾州府。度遼將軍范明友

出張掖。今陝西甘肅州衛。前將軍韓增出雲中。增，韓王信之後，居長安。雲中，今山西

大同蒲類將軍趙充國出酒泉。充國，字翁孫，上邽人。在秦州。酒泉，今陝西肅州

衛虎牙將軍田順出五原。在陝西延安府神木縣。五將軍凡十六

萬騎。又以常惠為校尉，護烏孫兵，共擊匈奴。匈奴遠遁。

庚戌三年五月，軍還。烏孫昆彌自將五萬騎。將去聲。與常惠從

西方入，至右谷蠡王庭，斬獲四萬級，畜產七十餘萬頭。

其遠徙死亡，不可勝紀。勝，平聲。匈奴衰耗，帝封惠為長羅

侯。

冬，匈奴怨烏孫，擊之，頗得老弱，欲還。音旋，後同。會大雪，一日深

丈餘，人民畜產凍死，還者不能什一。於是丁令乘弱攻

其北，烏桓入其東，烏孫擊其西。凡三國所殺數萬級，馬

數萬匹，牛羊甚眾。匈奴大虛弱，諸國羈屬者皆畔。漢復

出兵擊之，得數千人。匈奴終不敢取當，滋欲嚮和親。邊

境少事矣。

取當期於相當也。

癸丑地節二年。壺衍鞬單于死。左賢王立為虛閭權渠單于。三年。車師王與匈奴結婚。教匈奴遮漢道。侍郎鄭吉會稽

人一統志入浙江嘉興府人物。

將免刑罪人田渠犁。

西域國名。

發諸國兵共

擊車師。破之。車師王請降。吉等歸渠犁。車師王犇烏孫。匈奴更以王昆弟兜莫為王。收其餘民東徙。而吉使吏卒往田車師地以實之。

丁巳元康二年。匈奴大臣皆以車師地肥美。近匈奴。不可不

爭。於是數遣兵擊車師田者。

數音朔。

鄭吉將渠犁卒救之。

將去聲。

為匈奴所圍。帝與後將軍趙充國等議欲因匈奴

衰弱擊其右地。使不敢復擾西域。丞相魏相諫曰。

相字弱翁。

定陶人。今山東兗州府定陶縣。

救亂誅暴。謂之義兵。兵義者王。敵加於

已。不得已而起者。謂之應兵。兵應者勝。爭恨小故。不忍

忿怒者。謂之忿兵。兵忿者敗。利人土地貨寶者。謂之貪

兵。兵貪者破。恃國家之大。矜民人之眾。欲見威於敵者。

謂之驕兵。兵驕者滅。間者匈奴未有犯於邊境。

間去聲。

今

聞欲興兵入其地。臣愚不知此兵何名者也。今年計子

弟殺父兄。妻殺夫者。凡二百二十二人。臣愚以為此非

小變也。左右不憂此。乃欲發兵報纖芥之忿於遠夷。殆

孔子所謂吾恐季孫之憂不在顓臾而在蕭牆之內也。

帝從相言詔吉還屯渠犁遂以車師故地與匈奴

辛酉神爵二年虛閭權渠單于死頡渠闕氏素與右賢王屠

耆堂通乃與其弟左大且渠都隆奇謀立為握衍胸鞮

單于且音直胸音劬鞮音低日逐王先賢揮音纏素與握衍胸鞮有

隙遂率其眾降漢騎都尉鄭吉發渠犁龜茲諸國五萬

人迎之龜茲西域國音丘慈漢封日逐王為歸德侯吉既破車師

降日逐威震西域遂并護車師以西北道號都護都護之置

自吉始帝封吉為安遠侯中西域而立幕府治烏壘城去陽

關二千七百餘里督察西域三十六國動靜以聞漢之號令班

西域始自張騫而成於吉

癸亥四年握衍胸鞮單于暴虐好殺伐好去聲國中不附姑夕

王與烏禪幕及左地貴人共立虛閭權渠單于子稽侯

弼為呼韓邪單于即烏禪幕之婿弼音刪邪音鈔握衍胸鞮單于戰

敗自殺其冬都隆奇與右賢王共立日逐王薄胥堂為

屠耆單于發兵東擊呼韓邪敗之

甲子五鳳元年匈奴呼揭王自立為呼揭單于揭音翹右奧鞮

王自立為車犁單于奧音郁鞮居言切烏藉都尉自立為烏藉

單于凡五單于爭立議者多曰匈奴為害日久可因其

壞亂舉兵滅之左馮翊蕭望之左馮翊治西安府高陵縣望之字長倩東海蘭

陵人在竟州府嶧縣以為乘亂幸災兵不以義動恐勞而無功請

遣使弔問使去聲輔其微弱救其災患必稱臣服從此德之盛也帝從其議

乙丑二年屠耆單于與呼韓邪單于戰敗死都隆奇與屠耆

子右谷蠡王姑瞀樓頭亡降漢降戶江切後同屠耆從弟休屠

王自立為閏振單于居西邊呼韓邪兄左賢王呼屠吾

斯亦自立為郅支骨都侯單于居東邊左大將軍烏厲

屈等亦率數萬人降漢置西河北地屬國以處之三年六月

丁卯四年郅支單于攻呼韓邪單于走之左伊秩訾王為呼

韓邪計勸令稱臣入朝音潮事漢求助呼韓邪從其計遣

子入侍郅支亦遣子入侍入侍在甘露元年

己巳甘露二年呼韓邪單于款五原塞請朝款叩也五原塞在神木縣○朝

音潮後同詔議其儀丞相御史曰王制先諸夏而後夷狄宜

如諸侯王位次在下太子太傅蕭望之以為宜待以不

臣之禮位在諸侯王上外夷稽首稱藩中國讓而不臣

此羈縻之誼謙亨之福也帝從其議

庚午三年春正月呼韓邪單于來朝贊謁稱臣而不名詔置

酒建章宮饗賜之二月遣歸國發邊郡士馬送出塞又

轉穀前後三萬四千斛給之單于請居光祿塞下即五原塞

有急保受降城降戶江切先是烏孫以西諸國皆畏匈奴而

輕漢及呼韓邪朝漢後咸尊漢矣音潮帝以戎狄賓服

思股肱之美乃圖畫其人於麒麟閣法其形貌署其官爵姓名凡十一人皆以功德知名當世明著中興輔佐列於方叔召虎仲山甫焉詳宣帝紀畧

辛未四年冬十月匈奴呼韓邪郅支兩單于俱遣使朝獻漢待呼韓邪使有加焉

壬申黃龍元年郅支單于擊烏孫破之因北并烏揭堅昆丁令三國留都堅昆東去單于庭七千里南去車師五千里

丁丑元帝初元五年郅支怨漢擁護呼韓邪而不助已因辱漢使江乃始等而遣使奉獻使並去聲下同因求侍子漢議遣

衛司馬谷吉送之吉長安人今西安府御史大夫貢禹博士匡衡

禹字少翁瑯琊人一統志入兗州府人物衡字稚圭承人在嶧縣言郅支嚮化未醇所

在絕遠宜令使者送其子至塞而還使去聲還音旋後同吉願送

至庭宣諭厚恩帝許之既至郅支竟殺吉等自知負漢

又聞呼韓邪益彊恐見襲擊欲遠去會康居王為烏孫

所困遣使通郅支郅支大悅遂到康居康居王以女妻

郅支尊敬之妻去聲郅支數借兵擊烏孫數音朔深入而還

烏孫不敢追西邊空虛不居者五千里

置戊己校尉屯田車師故地十干之中惟戊己寄旺於四方今所置校尉無常居故名

戊寅永光元年呼韓邪既盛不畏郅支乃北歸庭其國遂定

乙酉建昭三年郅支自以大國又乘勝驕不為康居王禮殺

康居王女及貴人人民數百或支解投都賴水中又脅

大宛諸國歲遺漢遣使三輩使去聲下同至康居求谷吉等

死問所以死之故也郅支困辱使者不奉詔西域副校尉陳湯

字子公瑕丘人今兗州府磁陽縣沈勇多謀喜奇功與都護甘延壽謀

曰延壽字君况義渠人今陝西慶陽府郅支威名遠聞侵陵烏孫大宛常

為康居畫計欲降服之如得此二國數年之間城郭諸

國危矣城郭諸國謂西域諸國之有城郭者然無金城彊弩之守言其可破也

如發屯田吏士毆從烏孫衆兵直指其城下彼亡無所

之守不自保千載之功可一朝而成也延壽欲奏請之

湯曰國家與公卿議大策非凡所見事必不從會延壽

病湯獨矯制發兵乃陳言兵狀進兵薄城下發薪燒其

城外重木城射中郅支鼻中去聲夜半木城穿平明四面

火起吏士大呼乘之單于被創死凡斬闕氏太子名王

以下千五百一十八級生虜百四十五人降千餘人降戶

江切賦予城郭諸國賦謂頒與之○予音與郅支首至京師懸藁街

十日長安城外街也○有蠻夷邸若今鴻臚館告祠郊廟赦天下羣臣置酒

上壽

子戊竟寧元年春正月呼韓邪聞郅支既誅且喜且懼遂入

朝音潮自言願壻漢氏以自親帝以後宮良家子王嬙字

昭君賜之嬙秭歸人今湖廣荊州府歸州有昭君村單于驩喜上書願保塞

通鑑本末紀要 卷九
上谷以西至燉煌請罷邊備塞吏卒

上谷今山西保安州沮陽城燉煌在

陝西行都司沙州城北

以休人民議者皆以為便郎中侯應習邊

事以為不可許上十策論之曰孝武世出師征伐建塞

徼起亭隧然後邊境少安聞長老言

長上聲

匈奴失陰山

之後

陰山今在鞬靬境

過之未嘗不哭今罷備塞戍卒示夷狄

之大利一也夷狄之情困則卑順彊則驕逆前已罷外

城省亭隧古者安不忘危不可復罷二也中國有禮義

刑罰愚民猶尚犯禁况單于能必其眾不犯約哉三也

中國設塞徼置屯戍非獨為匈奴亦為諸屬國降民

為並

去聲

恐其思舊逃亡四也西羌與漢人交通吏民貪利侵

盜之以此怨畔今罷乘塞則生嫚易分爭之漸五也

易去

聲

往者從軍多沒不還者子孫一旦亡去從其親戚六

也邊人奴婢愁苦欲亡者多七也盜賊犯法窘急北走

不可制八也起塞以來百有餘年非皆以土垣也或因

山巖石木谿谷水門猝有他變當更繕治累世之功不

可猝復九也

累上聲

單于自以保塞功多請求無已小失

其意則不可測十也帝納其言使車騎將軍許嘉諭單

于以關梁障塞亦以防中國姦邪非獨為塞外也

為去聲

單于稱謝歸號昭君為寧胡閼氏

初中書令石顯嘗欲以姊妻甘延壽延壽不取

妻取並去聲

及

破郅支還音旋丞相御史皆以矯制不與延壽等陳湯素

貪所獲財物入塞司隸校尉移書道上繫吏士案驗之

湯上書言萬里振旅宜有使者迎勞道路使勞並去聲今司

隸反收繫案驗是為郅支報仇也帝立出吏士令縣道

具酒食以過軍漢制縣有蠻夷者曰道既至論功石顯匡衡以為

延壽湯擅興師矯制幸得不誅如復加爵土則後奉使

者使去聲後同爭欲乘危徼幸生事於蠻夷為國招難去聲帝

內嘉延壽湯功而重違衡顯之議久之不決故宗正劉

向上疏曰向字子政楚元王四世孫彭城人今江南徐州論大功者不錄小過

舉大美者不疵小瑕李廣利捐五萬之師靡億萬之費

經四年之勞僅獲駿馬三十匹雖斬宛王其私罪惡甚

多孝武以為萬里征伐不錄其過遂封拜兩侯三卿二

千石百有餘人廣利事詳武帝伐匈奴今康居之國疆於大宛郅

支之號重於宛王殺使者罪甚於留馬而延壽湯不煩

漢士不費斗糧比於貳師功德百之宜除過勿治尊寵

爵位以勸有功於是詔令公卿議封乃封延壽為義成

侯賜湯爵關內侯

庚寅成帝建始二年呼韓邪單于死子雕陶莫臯立為復株

累若鞮單于復妻王昭君累平聲復音服妻去聲

壬辰四年帝即位之初丞相匡衡復奏陳湯奉使顛命去使

聲盜所收康居財物坐免後湯以言事不實下獄當死

光祿大夫谷永上疏訟湯曰永字子雲吉子君子聞鼓鼙之聲

則思將帥之臣將去聲湯前斬郅支威震百蠻今坐言事

非是幽囚久繫執憲之吏欲致之大辟音闕夫犬馬有勞

於人夫音扶尚加帷蓋之報禮敝帷不棄為埋馬也况國

之功臣者哉書奏詔出湯奪爵為士伍會西域都護段

會宗為烏孫所圍會宗字子松上邽人今秦州驛騎上書大將軍王

鳳字孝卿孝元皇后同母兄弟元城人今直隸大名府元城縣言湯習外國事可問

帝召湯見宣室示以會宗奏湯知烏孫瓦合不能久攻

屈指計其日曰不出五日當有吉語聞居四日軍書到

言已解鳳奏以為從事中郎幕府事一決於湯其後因王商劾

免為庶人徙燉煌成帝綏和二年議郎耿育上書訟之曰湯為聖漢揚威雪恥卒以無罪老去燉煌正當西域

孔道為郅支所笑豈不痛哉天子還湯卒於長安

甲午 河平二年春正月匈奴遣伊邪莫演奉獻罷歸自言欲

降戶江切下同議者欲受之光祿大夫谷永議郎杜欽字子夏延

年子南陽人今河南南陽府以為單于稱臣列為北藩無有二心而

更受其逋逃之臣是貪一夫之得失一國之心假令單

于初立使之詐降以卜吉凶受之虧德沮善或設為反

間去聲欲因而生隙受之適合其策使得歸曲而責直不

如勿受以昭日月之信帝從之遣問降狀伊邪莫演曰

我病狂妄言耳。

丙申四年正月匈奴來朝音潮丞相王商有威重容貌絕人商字

子威蠡吾人今直隸保定府蠡縣單于拜謁商仰視大畏之遷延却退

帝聞而嘆曰真漢相矣相去聲

辛丑鴻嘉元年復株累單于死弟且糜胥立為搜諧若鞮單

于且音直後同

己酉元延元年搜諧單于死弟且莫車立為車牙若鞮單于

癸丑綏和元年車牙單于死弟囊知牙斯立為烏珠留若鞮

單于漢邊中郎將夏侯藩等使匈奴將使並去聲或說大司

馬王根曰根鳳弟鳳見前○說音稅匈奴有斗入漢地直張掖郡生

奇材箭竿驚羽驚大鵬也音就如得之於邊甚饒將軍顯功垂

於無窮根上言其利恐求之不得傷命損威令藩風示

單于風去聲單于曰此溫偶駱王地也偶音禹請遣使問之

使去聲既而曰匈奴作穹廬及車皆仰此山材木且先父

地不敢失也因以藩求地狀聞詔報曰藩擅稱詔從單

于求地法當死更大赦二今徙藩為濟南太守不令當

匈奴

戊午哀帝建平四年烏珠留單于上書請朝音潮後同時公卿以

為虛費府帑物所聚為府藏金帛之所為帑音儻且勿許黃門郎楊雄上

書諫曰雄字子雲成都人今四川成都府臣聞六經之治貴於未亂兵

家之勝貴於未戰。今單于上書求朝，國家不許而辭之。臣以為漢與匈奴從此隙矣。且往者圖西域，制車師，置城郭，都護三十六國，豈以康居烏孫能踰白龍堆而寇西邊哉？乃以制匈奴也。白龍堆在陝西行都司沙州城西。百年勞之，一日失之，唯陛下少留意於未亂未戰，以遏邊萌之禍。通書奏。帝寤，召還使者。更報單于書而許之，賜雄帛五十疋，黃金十斤。

庚申元壽二年春，匈奴烏孫及西域來朝者五十國，佩漢印綬者三百七十六人。自孝宣黃龍以後，單于每入朝，並音其賞賜錦繡繒絮，輒加厚於前，以慰接之。

壬戌平帝元始二年，時安漢公王莽秉政。莽字巨君，孝元皇后從子。欲悅

太后，以威德至盛，乃風單于。風音諷。下同。遣王昭君女須卜

居次云入侍太后。須卜，匈奴貴族。其夫家氏也。居次，稱號。若夫人之類。云，其名也。昭君二女。

小女為當于居次。當于亦貴族。賞賜之甚厚。時莽奏令中國不得有二

名，又使人風單于上書言幸得備位藩臣，竊樂太平聖

制。樂音洛。臣故名囊知牙斯。今謹更名曰知莽，大喜。答諭

厚賞賜焉。及莽篡位，遣五威將軍授單于印綬，易其故

印。故印文曰匈奴單于璽，莽更曰新匈奴單于章。單于

以去璽加新，復求故印不得。又聞莽欲大分匈奴為十

五，單于怒曰：先單于受漢宣帝厚恩，不可負也。今天子

非宣帝子孫何以得立遣左骨都侯等將兵入雲中益

壽塞將去聲大殺吏民莽恃府庫之富欲立威匈奴乃遣

孫惠等十二將分道並出將去聲下同討濊將軍嚴尤諫曰

濊音穢匈奴為害所從來久矣周秦漢征之未有得上策

者也周得中策漢得下策秦無策焉周宣王時獫狁內

侵獫音險命將征之盡境而還天下稱明是為中策漢武

選將練兵深入遠戍兵連禍結中國疲敝匈奴亦饑天

下稱武是為下策秦皇不忍少恥而輕民力築長城延

袤萬里袤長也音茂中國內竭以喪社稷喪去聲是為無策今

天下比年饑饉比音庠北邊尤甚大用民力功不可必臣

伏憂之莽不聽於是內郡愁於徵發始流亡為盜賊天

鳳時烏累若鞮單于立呼韓邪子烏珠留弟名咸又請和邊莽遣和

親侯王歙弟颯歙颯昭君兄子歙音翁颯音立○賀單于初立又多遣

單于金改其號號匈奴曰恭奴單于曰善于匈奴貪莽

金帛故曲聽之然寇盜如故莽怒又更名曰降奴服于

通鑑本末紀要卷之九

終

通鑑本末紀要

卷九

匈奴歸漢

空

通鑑本末紀要卷之十

錦川蔡毓榮仁菴甫編輯 華亭林子卿安國氏註

元成紀略 恭顯用事

癸酉 元帝初元元年三月立倢伃王氏為皇后 王莽姑也倢伃位次昭儀

視外廷上卿○倢倢捷二音佇音輿

夏六月大疫詔損膳減樂府員省苑馬以振困乏

帝素聞王吉貢禹皆明經潔行 吉字子揚臯虞人在山東萊州府卽墨縣禹字少翁

瑯琊人一統志入山東 秋九月遣使徵之 使去聲 吉道病

卒禹至拜為諫大夫 秩比八百石 問以政事禹言古者人君

節儉什一而稅無他賦役故家給人足惟陛下深察古

道從其儉者帝善其言詔諸宮館希御幸者勿繕治太

僕減穀食馬水衡減肉食獸音並

甲二年初宣帝寢疾以樂陵侯史高為大司馬車騎將

軍高父恭宣帝母史良姊兄太子太傅蕭望之為前將

軍光祿勳望之字長倩東海蘭陵人在兗州府嶧縣周堪為光祿大夫堪文安人

受遺詔輔政領尚書事望之堪皆以師傅

舊恩數宴見言事數音選白宗室諫大夫劉更生給事

中即劉向字子政楚元王四世孫彭城人今江南徐州與侍中金敞並拾遺左右

給事中侍中皆加官並得出入禁中四人同心謀議勸導上以古制多所

匡正史高以外屬充位而已由是與望之有隙中書令

弘恭僕射石顯少府之屬有中書謁者今恭山東濟南府人僕射自侍中以下至丞巷諸職皆

有之顯江南徐州沛縣人○射音亦自宣帝時久典樞機及帝即位多疾

以顯中人無外黨遂委以政顯與高為表裏議論常持

故事不從望之等望之等患外戚許史放縱許宣帝許皇后家史

即史高恭顯擅權建白以為中書政本宜以通明公正處

之處上聲武帝遊宴後庭故用宦者非古制也宜罷中書

宦官應古不近刑人之義帝初即位重改作出更生為

宗正掌國親屬秩中二千石會稽鄭朋陰欲附望之會稽今浙江紹興府因

言高為奸利及許史子弟罪過堪白令待詔金馬門望

之始見朋接待以意後知其傾邪絕不與通朋怨恨更

求人許史推所言事曰皆堪更生教我推吐雷切待詔華龍

行汗穢行去聲欲入堪等堪等不納亦與朋相結恭顯令

二人告望之等欲疏退許史狀候望之出休日上之事

下恭顯問狀恭顯奏望之等朋黨相稱舉毀離親戚欲

以專擅權勢請謁者召致廷尉時帝不省召致廷尉為

送獄可其奏後帝召堪更生曰繫獄帝大驚曰非但廷

尉問邪銑音以責恭顯皆叩頭謝帝曰令出視事恭顯使

高說帝曰說音稅上新即位未以德化聞於天下而先驗

師傅既下獄宜因決免帝從之皆免為庶人

夏四月立子驚為皇太子

賜蕭望之爵關內侯給事中朝朔望朝音潮

秋七月帝復徵周堪劉更生欲以為諫大夫恭顯白以為

中郎秩比六百石卑於諫大夫矣帝器重蕭望之不巳欲以為相去聲

恭顯許史皆側目時地震更生乃使其外親上變事言

地震殆為恭等為去聲宜退恭顯以彰蔽善之罰進望之

以通賢者之路恭顯疑其更生所為請考奸詐辭服遂

繫獄免會望之子伋上書訟望之前事下有司復奏

望之教子上書失大臣體不敬請逮捕帝曰太傅素剛

安肯就吏顯等曰人命至重言凡人之情皆以身命為重也望之所坐

言語薄罪必無所憂乃可其奏顯等因急發執金吾車

騎圍其第。武帝改中尉為執金吾，掌徼循京師。望之嘆曰：吾嘗備位將相，

將相並去聲。老入牢獄，苟求生活，不亦鄙乎？飲鴆自殺。帝聞

之驚，拊手曰：曩固疑其不就牢獄，果然殺吾賢傅，卻食

涕泣，哀動左右，召顯等責問，皆免冠謝。良久乃已。帝追

念望之不忘，歲遣使者祠祭其塚。今兗州府沂州西南百三十里有望之墓。

○使去聲。終帝之世，是歲恭死，遂以顯為中書令。

乙亥三年，初，武帝置珠崖郡。今廣東瓊州府崖州。在海中洲上，率數

年一反。帝欲大發兵擊之，待詔賈捐之。字君房，賈誼曾孫，洛陽人。今河南河南府。言關東民困流離，社稷之憂，願棄珠崖，專用

郵關東為憂。帝以問丞相御史。丞相于定國言捐之議

是從之。定國字曼倩，東海郟人。今兗州府郟城縣。○相去聲。後同。

夏帝復擢周堪為光祿勳。秩中二千石。堪弟子張猛為光祿大

夫。秩比二千石。大見信任。猛字子游，騫孫，城固人。今陝西漢中府城固縣。

丁丑五年六月，以長信少府貢禹為御史大夫。位上卿，職副丞相。禹

前後言得失，帝多采用之。

戊寅永光元年秋，帝耐祭宗廟，出便門，欲御樓船。御史大夫

薛廣德。字長卿，沛國相人。在江南鳳陽府虹縣。當乘輿免冠頓首請從橋。

陛下不聽。臣自刎以血汙車輪。陛下不得入廟矣。帝不

悅。光祿大夫張猛進曰：乘船危，就橋安。臣聞聖主不乘

危。御史大夫言可聽。帝曰：曉人不當如是邪？音鈺。乃從橋。

石顯憚周堪張猛等數譖毀之數音朔劉更生懼其傾危上

書曰臣聞和氣致祥乖氣致異正臣進者治之表正臣

陷者亂之基夫執狐疑之心者夫音扶來讒賊之口持不

斷之意者開羣枉之門讒邪進則眾賢退羣枉盛則正

士消今用賢則如轉石去佞則如拔山如此望陰陽之

調不亦難乎陛下誠深思天地之心以揆當世之變杜

閉羣枉之門廣開眾正之路則百異消滅眾祥並至太

平之基萬世之利也顯見其書愈與許史比音庫而怨更

生等是歲夏寒日青顯及許史皆言堪猛用事之咎帝

內重堪又患眾口浸潤無所取信時長安令楊興以材

能幸嘗稱譽堪帝欲以為助乃問興朝臣斷斷不可光

祿勳何邪斷斷忿嫉貌光祿勳堪也○朝音潮後同斷疑巾切邪音鈺興傾巧謂帝

疑堪因順指曰堪非獨不可於朝廷自州里亦不可也

臣前言堪不可誅傷為國養恩也為去聲臣愚以為可賜

爵邑勿令典事明主不失師傅之恩此最策之得也帝

於是疑之城門校尉諸葛豐瑯琊人一統志入兗州府人物剛直著名

上書告堪猛罪帝以豐數稱堪猛之美數音朔不顧前言

免為庶人左遷堪為河南太守猛為槐里令今陝西西安府興平

縣東南有槐里城

待詔賈捐之與楊興善捐之數短石顯數音朔以故不得官

希復進見興新以材能得幸捐之謂曰使我得見言君

蘭興字京兆尹可立得興曰君房下筆言語妙天下使君

房為尚書令亦少府之屬勝五鹿充宗遠甚五鹿複姓充宗名時為尚書令

也捐之復短顯興曰顯方信用今欲進且與合意即得

入矣即共為薦顯奏又共為薦興奏顯聞白之帝乃下

捐之獄令顯治之捐之坐罔上棄市興髡鉗為城旦旦起

行治城之役也

己卯二年春以韋玄成為丞相字少翁丞相賢子平陵人在西安府咸陽縣

秋七月隴西羌反右將軍馮奉世字子明上黨潞人今山西潞安府潞城縣請

以四萬人擊之丞相御史以民方收斂未可多發發萬

人屯守之奉世曰今以萬人分屯數處戰則挫兵病師

守則百姓不救如此怯弱之形見羌人乘利相扇而起

中國之役不得止於四萬也故少發師而曠日與一舉

而疾決利害相萬矣詔益二千人果為羌所破奉世具

上地形部眾多少之計帝為發六萬餘人十一月大破

之賜奉世爵關內侯

辛巳四年夏六月晦日有食之帝召諸前言日變在周堪張

猛者責問皆稽首謝因下詔稱堪之美徵拜光祿大夫

領尚書事猛復為太中大夫給事中石顯筦尚書尚書

五人皆其黨堪希得見常因顯白事事決顯口會堪疾

瘖不能言而卒。顯誣譖猛，令自殺於公車。

漢制公車令一人掌宮南

闕門受吏民上章四方貢獻及徵詣公車者

甲申 建昭二年秋，魏郡太守京房

魏郡治鄴今河南彰德府臨漳縣房字子明本姓李

吹律自定為京氏頓丘人今直隸大名府清豐縣西南有頓丘城

學易於梁人焦延壽

名贛○贛音貢延壽嘗曰：得我道以亡身者，京生也。其說長於

災變，屢言災異有驗。帝悅之，數召問。

數音朔

房對曰：古帝

王以功舉賢，則萬化成。瑞應著，末世以毀譽取人，故功

業廢而致災異。宜令百官各試其功。災異可息，詔使房

作其事。房奏考功課吏法，羣臣皆以房言煩碎不可許。

帝意嚮之。時石顯專權，房嘗晏見，問帝曰：幽厲之君何

以危？帝曰：君不明而所任者巧佞。房曰：陛下視今為治

邪？亂邪？

並音鈔後同

帝曰：亦極亂耳。曰：今所任用者誰歟？帝

曰：然幸其愈於彼。房曰：前世之君亦皆然矣。臣恐後之

視今猶今之視前也。帝良久曰：今為亂者誰哉？房曰：上

最所信任，圖事帷幄之中，進退天下之士者是矣。房指

謂顯。帝曰：已諭。後亦不能退顯。顯因疾。房建言以房為

魏郡太守，得以考功法治郡。月餘，顯告房非謗天子，下

獄棄市。顯威權日盛，與中書僕射李舉、少府五鹿充宗

結為黨友，諸附倚者皆得寵位。民歌之曰：牢邪石邪，五

鹿客邪，印何纍纍，綬若若邪。

若若長貌

顯恐天子一旦納用

左右耳目間已間去聲乃取一信以為驗嘗使至諸官先

自白恐後漏盡宮門閉請詔吏開門帝許之顯故投夜

還音旋稱詔開門入後果有告顯矯詔開宮門者帝笑以

其書示顯顯因泣言羣下欲陷害臣類如此帝勞勉厚

賜之勞去聲顯聞眾洵洵言已殺蕭望之恐天下學士訕

己以貢禹明經著節乃深自結納薦禹歷位九卿議者

或稱顯為不妬譖望之矣

乙酉三年秋七月以匡衡為丞相衡字稚圭瑯琊人一統志入兗州府人物

冬西域副校尉陳湯矯制發兵與都護甘延壽襲擊匈奴

郅支單于於康居斬之湯字子公瑕丘人今兗州府嶧陽縣延壽字君況義渠人今陝

西慶陽府康居西域國名

戊子竟寧元年春正月匈奴呼韓邪單于來朝並見匈奴歸漢○朝音潮

初石顯見馮奉世父子為公卿著名女又為昭儀昭儀漢宮中最

貴者位視外廷丞相心欲附之薦昭儀兄遂修敕宜侍帷幄帝召

見遂遂因言顯顓權帝怒罷遂及御史大夫缺在位多

舉遂兄大鴻臚野王行能第一字君卿奉世次子○行去聲帝以問

顯顯曰九卿無出野王者然親昭儀兄臣恐後世以陛

下為私後宮親帝曰善吾不見是乃以太子少府張譚

為御史大夫少去聲

河南太守召信臣字翁卿壽春人今江南鳳陽府壽州河南今河南府先為南陽太

守今河南南陽府視民如子好為民興利好為去聲躬勸耕稼稀有

安居開通溝瀆以廣灌溉禁止奢靡案其不法以視好

惡視示同好惡並去聲其化大行戶口增倍吏民親愛號曰召父

徵為少府奏諸離宮稀幸者勿復治省樂府諸費及大

官不時非法之物歲省費數十萬

夏五月帝崩太子驚即位帝多材藝善史書及即位徵用

儒生委之以政貢薛韋匡迭為宰相按貢禹薛廣德終御史大夫未嘗為

相而牽制文義優游不斷孝宣之業衰矣太子少好

經書少好並去聲寬博謹慎而山陽王康有才藝母又愛幸

帝好音樂好去聲後同或置鞀鼓殿下自臨軒檻上墮銅丸

以擿鼓墮墜也擿投也○墮音頽聲中嚴鼓之節嚴疾擊若後世羯鼓○中去聲康

亦能之帝稱其材駙馬都尉史丹曰丹字君仲杜陵人在西安府咸寧縣

所謂材者敏而好學溫故知新若皇太子是也若器人

於絲竹鼓鞀之間則是陳惠李微高於匡衡可相國也

陳李二人時黃門鼓吹○相去聲帝嘿然而笑後帝寢疾數問尚書以

景帝時立膠東王故事武帝初封膠東王景帝前七年立為皇太子○數音朔欲

易太子史丹侍疾候帝獨寢時直入臥內頓首伏青蒲

上青蒲為席以蔽地也涕泣言曰皇太子以適長立適音嫡長音掌積十

餘年名號係於百姓天下莫不歸心今者道路流言以

為太子有動搖之議審若此公卿以下必以死爭去聲不

奉詔臣願先賜死以示羣臣帝意感悟曰無有此議丹頓首曰愚臣妄聞罪當死帝謂丹曰吾病寢加善輔導太子丹唏噓而起太子由是遂定

以元舅王鳳為大司馬大將軍領尚書事鳳字孝卿元城人今大名府元

城縣

己丑成帝建始元年春正月丞相御史奏石顯舊惡免歸故

郡憂懣道死五鹿充宗左遷玄菟太守在遼東司隸校尉

王尊字子穎高陽人今直隸保定府高陽縣劾奏丞相匡衡御史大夫張

譚知顯罪惡不以時白奏阿意曲從阿於何切無大臣輔政

之義皆不道衡慙懼免冠謝罪上丞相侯印綬帝以新

卽位重傷大臣左遷尊為高陵令今西安府高陵縣然羣下多

是尊者衡由是默默不自安每有水旱輒乞骸骨帝慰

撫不許

封舅王崇為安成侯賜譚商立根逢時爵關內侯皆元后兄弟商

字子夏非丞相王商

夏四月黃霧四塞並見王莽篡漢

庚寅二年三月立皇后許氏后車騎將軍嘉之女也元帝傷

母悲哀后居位日淺而遭霍氏之辜故選嘉女以配太

子帝自為太子以好色聞好去聲及卽位詔采良家女以

備後宮武庫令杜欽說大將軍王鳳曰欽字子夏延年子杜衍人在河

南陽縣禮一娶九女所以廣嗣重祖也舉其窈窕不問華色所以助德理內也娣姪雖缺不復補所以養壽塞爭也主上富於春秋未有嫡嗣將軍宜因始初之隆建九女之制詳求淑女毋必有聲色技能為萬世大法夫少戒之在色夫音扶少去聲小弁之作可為寒心小弁刺幽王廢嫡立庶也○弁惟將軍嘗以為憂鳳白之太后太后以為故事無有鳳不能自立法度循故事而已

辛卯三年冬十二月朔日食夜地震未央宮殿中詔舉直言極諫之士杜欽及太常丞谷永字子雲長安人今西安府上對以為後宮女寵太盛嫉妬專上將害繼嗣之咎蓋指許后及班婕妤也

癸巳河平元年夏四月晦日食詔百官陳過失時許皇后專寵後宮希得進見中外皆憂帝無繼嗣劉向杜欽谷永皆以為言帝於是減省椒房掖庭用度皆如竟寧以前故事皇后上疏自陳以為時世異制長短相補不出漢制而已纖微之間未必可同也今家吏不曉壹受詔如此且使妾搖手不得唯陛下察焉帝於是采谷永等言報之且曰財幣之省其於皇后扶助德美為華寵也皇后其刻心秉德謙約為右垂則列妾使有法焉

甲午二年夏悉封諸舅為列侯見王莽篡漢丙申四年三月免丞相王商商歐血卒商字子威蠡吾人今直隸保定府蠡縣

丁 陽朔元年冬下京兆尹王章獄殺之。章字仲卿泰山鉅平人一統志入竟

州府人物與王商事並見王莽篡漢

戊 二年夏四月以王音為御史大夫。鳳從父弟

己 三年秋八月大司馬大將軍王鳳卒九月以王音為大

司馬車騎將軍。並見王莽篡漢

庚 四年夏以王駿為京兆尹。駿吉子吉見元帝初元元年先是京兆有

趙廣漢張敞王尊王章至駿皆有能聲京師稱曰前有

趙張後有三王。

辛 鴻嘉元年春二月帝始為微行從期門郎。掌執兵送從者或私

奴乘小車或騎出入市里郊野遠至旁縣鬪雞走馬嘗

自稱富平侯家人富平侯者侍中張放也。張安世四世孫寵幸

無比故假稱之初許皇后與班婕妤皆有寵帝嘗遊後

庭欲與婕妤同輦辭曰觀古圖畫聖賢之君名臣在側

三代昏主乃有嬖妾今欲同輦得無近似之乎帝善其

言而止太后聞之喜曰古有樊姬。楚莊王夫人王好獵數諫不聽乃不食禽

獸肉三年王感悟。今有班婕妤後帝微行過陽阿主家悅歌舞

者趙飛燕召入宮大幸女弟合德復召入姿性尤醜粹

披香博士淖方成曰。披香殿名此禍水也滅火必矣。漢以火德王故

云姊姊俱為婕妤貴傾後宮譖告許皇后班婕妤好祝詛

主上因廢許后。後衛尉淳于長有寵與后姊嬖私通因娶為小妻后居長定宮因嬖賂遺長求

復為倖仔長詐許白上立為左皇后王考問班倖仔對
莽害長寵白之長死獄中賜后藥自殺

曰修正尚未蒙福為邪欲以何望使鬼神有知不受不
臣之愬如其無知愬之何益帝赦之倖仔恐久見危乃

求供養太后於長信宮帝許焉

夏四月以薛宣為丞相

宣字贛君郟人今
兗州府郟城縣

初宣為郡所至

有聲迹宣子惠為彭城令

今江南
徐州

宣過其縣心知惠不

能不問以吏事或問宣何不教戒惠宣曰吏道以法令

為師可問而知及能與不能自有資材何可學也及為

左馮翊

秩二千石治在高陵縣
有馮翊城○馮音憑

屬令楊湛謝游皆貪滑

宣察湛有改過之效密書曉之游自以大儒輕宣乃移

書顯責之二人皆解印綬去又頻陽多盜

頻陽在西安
府富平縣

令薛恭本孝者職不辦粟邑僻小易治

今西安府白水
縣○易去聲

令尹賞久用事吏宣奏二人換縣兩縣皆治宣得吏民

罪名即告其縣長吏

長上
聲

使自刑罰曰不欲代縣治奪

賢令長名

使其自見
所長也

宣性密靜有思下至財用筆研皆

為設方略利用而省費

乙巳永始元年夏四月帝欲立趙倖仔為皇后皇太后嫌其

所出微甚難之乃先封倖仔父臨為城陽侯諫大夫劉

輔上言

輔河間人今
直隸河間府

臣聞天之所興必先賜以符瑞天

之所違必先降以災變昔武王周公承順天地以饗魚

鳥之瑞。白魚躍入王舟有火。然猶君臣祇懼動色相戒。

况於季世不蒙繼嗣之福。屢受威怒之異者乎。雖夙夜

自責。改過易行。去聲。妙選有德之世。考卜窈窕之女。以承

宗廟。猶恐晚暮。今乃觸情縱欲。傾於卑賤。欲以母天下。

惑莫大焉。書奏。詔繫掖庭秘獄。將軍辛慶忌等上書救

之。慶忌字子貞。武賢子。狄道人。今陝西臨洮府狄道縣。乃徙繫輔共工獄。共工少

亦有詔獄。論為鬼薪。取薪於山。以給宗廟。

五月封太后弟子莽為新都侯。莽字巨君。

六月立婕妤趙氏為皇后。后既立。寵少衰。其女弟絕幸。為

昭儀。居昭陽宮。后居別館。多通侍郎宮。奴多子者。昭儀

嘗謂帝曰。妾姊性剛。有如為人構陷。趙氏無種矣。因泣

下。帝信之。有白后姦狀者。輒殺之。由是莫敢言者。然卒

無子。劉向以為王教自近始。採取詩書所載賢妃貞婦

與國顯家。及孽嬖為亂亡者。序次為列女傳。又采傳記

行事。著新序說苑。奏之。數上疏言得失。陳法戒。數音朔。帝

嘉其言。然不能用。

丙午二年春正月。大司馬車騎將軍王音卒。三月。以成都侯

王商為大司馬衛將軍。鳳弟也。帝嘗與張放等宴樂禁中。

樂音洛。下同。皆引滿舉白。白。大觴也。談笑大噱。其略切。時乘輿幄坐

屏風。乘去聲。畫紉醉踞。姐已作長夜之樂。侍中班伯久疾

新起帝顧指畫而問曰紂為無道至於是乎對曰沈湎

於酒微子所以告去也式號式諱大雅所以流連也大雅

蕩之篇周厲王湎酒醉則號諱召穆公傷之而作是詩詩書淫亂之戒其原皆在

於酒帝喟然嘆曰吾久不見班生今日復聞讜言太后

亦言放當遣就國帝不得已左遷放為北地都尉北地今陝

西慶陽府涕泣而遣之

冬十一月以御史大夫翟方進為丞相方進字子威上蔡

縣光祿勳孔光為御史大夫光字子夏孔子十四世

縣方進以經術進用法刻深任勢立威中傷甚多中

光典樞機十餘年帝有所問據經法而對不希旨苟合

如或不從不敢彊爭去聲時有所言輒削草藁有所舉薦

惟恐其人聞知沐日歸休燕語不及朝省政事朝音或

問溫室省中何樹光嘿然其不泄如此

戊申四年梁王立驕恣犯法立文帝九世孫梁相禹奏立怨望禹姓

相有司案驗因發其與姑姦事請誅大中大夫谷永

上言帝王不聽中冓之言閨房曖昧之言也春秋為親者諱今

梁王年少去聲頗有狂病案驗無實王辭又不服而發閨

門之私宣揚於天下非所以榮朝廷昭聖德也遂寢不

治

秋七月以何武為京兆尹武為吏守法盡公進善退惡所

居無赫赫名。去後常見思。

武字君公。郫人。今四川成都府郫縣。

己酉 元延元年冬十二月大司馬衛將軍商卒。以王根為大

司馬驃騎將軍。

根字稚卿。商弟。

辛亥 三年春正月。岷山崩。壅江三日。江水竭。

癸丑 綏和元年春二月。立定陶王欣為王太子。

夏建三公官。大司馬根罷將軍。

去驃騎將軍。

以何武為大司空。

與丞相為三公。

冬十月。大司馬根病免。十一月。以王莽為大司馬。

犍為郡於水濱得古磬一十六枚。

犍為。今四川敘州府。

劉向說帝興

辟雍。

說音稅。

設庠序。陳禮樂。以風化天下。

風去聲。

或曰不能

具禮。禮以養人為本。如有過差。是過而養人也。今有司

請定法。削則削。筆則筆。至於禮樂。則曰不敢。是敢於殺

人。而不敢於養人也。帝下其議。丞相大司空請立辟雍。

未作而罷。

甲寅 二年三月。帝崩。四月。太子欣即位。帝素彊。無疾病。鄉

晨欲起。

鄉音向。

不能言而崩。民間謹譏。咸歸罪趙昭儀。皇

太后詔王莽雜治。問皇帝起居病狀。趙昭儀自殺。

哀帝元壽

二年。王莽貶趙皇太后為孝成皇后。又廢為庶人。亦自殺。

甲子 平帝元始四年。王莽奏尊元帝廟為高宗。

乙丑 五年。莽奏尊孝成廟曰統宗。

...平帝天... 漢文帝十二年... 武帝元光三年... 漢文帝十二年河決酸棗... 武帝元光三年春河水徙從頓丘東南流... 東潰金隄... 東郡今山... 頓丘在... 注巨野... 輒復... 望氣者亦... 梁楚...

河決之患

癸酉 漢文帝十二年河決酸棗今河南開封府延津縣東潰金隄在直隸大

名府清豐南樂二縣大興東郡卒塞之東郡今山東東昌府

己酉 武帝元光三年春河水徙從頓丘東南流頓丘在清豐縣夏復

決濮陽瓠子濮陽在大名府開州瓠子河在州城西南新惠里河津口注巨野在山東兗

州府巨野縣通淮泗從泗入淮也凡郡十六發卒十萬塞之輒復

壞時丞相田蚡長陵人在陝西西安府咸陽縣奉邑食餼今東昌府夏津縣○餼音

輸居河北河決而南則鄒無水災邑收多蚡言於上曰

江河之決皆天事未易以人力彊塞易去聲彊上聲望氣者亦

以為然於是久不塞者二十餘年歲數不登數音梁楚

之地尤甚。

辛未 元封二年帝既封禪泰山其明年乾封少雨乃使汲仁

郭昌二卿發卒數萬人塞瓠子自臨決河湛白馬玉壁

於河湛音沈令從官自將軍以下皆負薪填決河下淇園

之竹以為犍今草牛也下於決口以闌土石者即卒塞

瓠子築宮其上名曰宣防而道河北行二渠復禹舊迹

梁楚復寧其後河復北決於館陶今名南館陶在東昌府館陶縣西南分

為屯氏河俗名毛河在南館陶其水入於衛河東北經魏郡今河南彰德府清河

今廣平府清河縣信都今真定府冀州渤海今河間府滄州俱直隸入海廣深與

大河等故因其自然不隄塞於是東北四五郡時小被

水害而兗州以南無水患。

壬午 元帝永光五年河決清河靈鳴犢口漢靈縣在東昌府博平縣西鳴犢河

在山東濟南府高唐州界屯氏河絕。

己丑 成帝建始元年清河都尉馮遂奉世子上黨潞人奏言

郡承河下流土地輕脆易傷易去聲頃所以濶無大害者

以屯氏河通兩川分流也今屯氏河塞鳴犢口又益不

利獨一川兼受數河之任雖高增隄防終不能泄如有

霖雨旬日不霽必盈溢九河故迹既滅難明屯氏新絕

未久其處易浚又其口所居高於以分殺水力殺音鍛後同

道里便宜可復浚以助大河泄暴水備非常不豫修治

北決病四五郡南決病十餘郡然後憂之晚矣朝廷以用度不足且勿浚

壬辰四年夏四月大雨水十餘日河決東郡金隄泛溢四郡

三十二縣水居地十五萬餘頃深者三丈壞敗官亭室

廬且四萬所大將軍武庫令杜欽字子夏延年子河南南陽府人薦王

延世以為河隄使者使去聲使塞決河延世以竹落長四

丈大九圍盛以小石盛音成兩船夾載而下之三十六日

隄成河平元年春詔以延世為光祿大夫秩比二千石賜爵關內

侯黃金百斤

乙未河平三年河復決平原今濟南府平原縣復遣王延世與丞相

史楊焉將作大匠許商將去聲諫大夫乘馬延年乘馬複姓同

作治六月乃成治河卒非受平賈者平賈僱庸錢也○賈音價為著

外繇六月雖執役日近得免徭○繇音徭

甲辰鴻嘉四年秋渤海清河信都河水溢溢灌縣邑三十一

平陵李尋等奏言平陵在咸陽縣尋字子長議者常欲求索九河故

迹今因其自決可且勿塞以觀水勢從之

甲寅綏和二年騎都尉平當字子思平陵人領河隄使去聲奏九河今

皆填滅按經義治水有決河浚川無隄防壅塞之文宜

博求能浚川疏河者帝從之待詔賈讓奏言治河有上

中下策古者立國居民疆理土地必遺山澤之分遺留也分

通鑑本末紀要 卷十 河決之患
扶問 度水勢所不及。度音大川無防，小水得入，陂障卑

下，以為汙澤，使秋水多，得其所休息，左右游波寬緩而

不迫，夫善為川者，決之使導。夫音治土而防其川，猶止

兒啼而塞其口也。蓋隄防之作，近起戰國，壅防百川，各

以自利，今隄防陜者，去水數百步。陜狹遠者數里，於故

大隄之內，復有數重。平聲民居其間，此皆前世所排也。今

行上策，徙冀州之民，當水衝者。謂大名真決黎陽，遮害

亭。在大名府濬縣放河使北入海，河西薄大山，東薄金堤，勢不

能遠泛濫，朞月自定，此功一立，河定民安，千載無患，故

謂之上策。若乃多穿漕渠於冀州地，使民得以溉田，分

殺水怒，雖非聖人法，然亦救敗術也。可從淇口以東為

石堤。淇水出河南彰德府林縣西北，入於衛河。多張水門，冀州

渠首盡當仰此水門，諸渠皆往往股引取之。漢書註股當作肢，言

分流也。早則開東方下水門，溉冀州水，則開西方高門，分

河流，民田適治，河堤亦成，此誠富國安民，興利除害，支

數百歲，故謂之中策。若乃繕完故堤，增卑倍薄，勞費無

已，數逢其害。數音此最下策也。

甲子 平帝元始四年，王莽奏徵能治河者，以百數，其大略異

者，長水校尉平陵關並言：河決率常於平原東郡左右，

其地形下而土疏，惡可空此地，勿以為官亭民室，御史

通鑑本末紀要 卷一
臨淮韓牧臨淮在江南鳳陽府泗州以為可略於禹貢九河處穿為

四五宜有益大司空掾王橫言河入渤海地高於韓牧

所欲穿處往者海溢西南出浸數百里九河之地已為

海所漸矣漸浸也音尖禹之行河水本隨西山下東北去周

譜云周世系書也定王五年河徙則今所行非禹之所穿也

又秦攻魏決河灌之決處遂大不可復補宜更開空使

緣西山足乘高地而東北入海乃無水災時莽但崇空

語無施行者

辛未王莽始建國三年河決魏郡泛清河以東莽初以先墓在元

城今大名府元城縣恐為害及決東去遂不隄塞光武時欲修

之以百姓新被兵革乃止

戊辰明帝永平十一年初河汴決壞久而不修汴渠東侵

日月彌廣汴水出河南開封府滎陽縣合京索須鄭四水至中牟縣北入於河夏四月詔

發卒數十萬遣樂浪王景樂浪在遼東與將作謁者王

景將去聲修汴渠隄自滎陽以東至千乘海口千餘里千乘

在山東濟南府陽信縣十里立一水門令更相洄注無潰漏之患

景雖節省役費猶以百億計

庚午十三年夏四月汴渠成河汴分流復其舊迹

漢成帝元延四年正月中山王興定陶王欣來朝興元帝子中山王獨從傅定陶王盡從傅相欣共王康庶子元帝孫○朝音潮下同中尉相去聲上問定陶王對曰法也諸侯王朝得從其國二千石故盡從之令誦詩通習能說問中山王獨從傅在何法令不能對令誦尚書又廢帝由此賢定陶王王祖母傅太后元帝昭儀河內溫人今河南懷慶府溫縣隨王來朝私賂遺趙皇后昭儀及票騎將軍王根字穉卿孝元后弟元城人今直隸大名府元城縣皆更稱定陶王勸帝以為嗣帝為加元服而遣之時年十七矣

丁傅用事

漢成帝元延四年正月中山王興定陶王欣來朝興元帝子中山王獨從傅定陶王盡從傅相欣共王康庶子元帝孫○朝音潮下同中尉相去聲上問定陶王對曰法也諸侯王朝得從其國二千石故盡從之令誦詩通習能說問中山王獨從傅在何法令不能對令誦尚書又廢帝由此賢定陶王王祖母傅太后元帝昭儀河內溫人今河南懷慶府溫縣隨王來朝私賂遺趙皇后昭儀及票騎將軍王根字穉卿孝元后弟元城人今直隸大名府元城縣皆更稱定陶王勸帝以為嗣帝為加元服而遣之時年十七矣

中尉相去聲上問定陶王對曰法也諸侯王朝得從其國二千石故盡從之令誦詩通習能說問中山王獨從傅在何法令不能對令誦尚書又廢帝由此賢定陶王王祖母傅太后元帝昭儀河內溫人今河南懷慶府溫縣隨王來朝私賂遺趙皇后昭儀及票騎將軍王根字穉卿孝元后弟元城人今直隸大名府元城縣皆更稱定陶王勸帝以為嗣帝為加元服而遣之時年十七矣

二千石故盡從之令誦詩通習能說問中山王獨從傅在何法令不能對令誦尚書又廢帝由此賢定陶王王祖母傅太后元帝昭儀河內溫人今河南懷慶府溫縣隨王來朝私賂遺趙皇后昭儀及票騎將軍王根字穉卿孝元后弟元城人今直隸大名府元城縣皆更稱定陶王勸帝以為嗣帝為加元服而遣之時年十七矣

在何法令不能對令誦尚書又廢帝由此賢定陶王王祖母傅太后元帝昭儀河內溫人今河南懷慶府溫縣隨王來朝私賂遺趙皇后昭儀及票騎將軍王根字穉卿孝元后弟元城人今直隸大名府元城縣皆更稱定陶王勸帝以為嗣帝為加元服而遣之時年十七矣

祖母傅太后元帝昭儀河內溫人今河南懷慶府溫縣隨王來朝私賂遺趙皇后昭儀及票騎將軍王根字穉卿孝元后弟元城人今直隸大名府元城縣皆更稱定陶王勸帝以為嗣帝為加元服而遣之時年十七矣

皇后昭儀及票騎將軍王根字穉卿孝元后弟元城人今直隸大名府元城縣皆更稱定陶王勸帝以為嗣帝為加元服而遣之時年十七矣

皆更稱定陶王勸帝以為嗣帝為加元服而遣之時年十七矣

十七矣

十七矣

癸丑 綏和元年立定陶王欣為皇太子初太子幼傅太后躬

自養視及為太子詔傅太后與太子母丁姬自居定陶

國邸皇太后曰太子小而傅太后抱養之今至太子家

以乳母恩耳不足有所妨乃令至太子家

甲寅 二年夏四月成帝崩太子欣即位尊皇太后曰太皇太

后追尊定陶共王為定陶共皇共音恭後同傅太后剛暴有

權謀帝之立又有力居北宮朝夕從複道至帝所求尊

稱寵其親屬五月立皇后傅氏傅太后從弟晏子尊定陶太后

傅氏曰定陶共皇太后丁姬曰定陶共皇后封丁明傅

嬰皆為列侯明丁后兄

秋七月大司馬王莽罷莽孝元后從子字巨君時傅太后從弟喜字稚

游游好學有志行好去聲帝之爵外親也喜獨執謙稱疾傅

太后與政數諫之與音預數音朔莽既罷眾歸望於喜傅太后

不欲喜輔政乃以師丹為大司馬丹字仲公東武人今山東青州府諸城縣

有東武城賜喜黃金百斤以光祿大夫養病大司空何武尚

書令唐林皆上書武字君公郫人今四川成都府郫縣林字子高言喜行義修

潔行去聲忠誠憂國今一旦遣歸眾庶失望上亦自重之

尋復以為大司馬大司馬金印紫綬祿比丞相

乙卯 哀帝建平元年秋七月郎中冷褒等冷音零奏言定陶共

皇太后共皇后不宜復引定陶藩國之名以冠大號冠去

聲 又請為共皇立廟京師丞相孔光字子夏孔子十四世孫山東兗州府

曲阜縣人大司馬傅喜大司空師丹以為不可丹曰禮為人

後者為之子服斬衰三年衰音崔而降其父母墓明尊本

祖而重正統也孝成皇帝為共王立後奉承祭祀令共

皇長為一國太祖恩義已備陛下繼體先帝不宜復奉

定陶共皇祭今欲立廟於京師而使臣下祭之是無主

也又親盡當毀空去一國太祖不墮之祀而就無主當

毀不正之禮非所以尊共皇也由是不合帝意遂策免

丹

初傅太后與中山王馮太后並事元帝為倖仔倖仔位視外廷上卿

○倖倖音與 嘗從幸虎圈熊逸出攀檻傅倖仔等皆驚

走馮倖仔直前當熊而立帝問之對曰猛獸得人而止

妾恐熊至御坐故以身當之帝嗟嘆倍敬重焉傅倖仔

慙由是有隙中山王箕子與子馮太后孫幼有眚病馮太后自

養視數禱祠數音朔上遣謁者張由將醫治之同醫往治由誣

馮太后祝詛上及傅太后祝音奏中謁者令史立受傅太

后指治之馮太后及弟宜鄉侯參皆自殺馮氏死者十

七人眾皆憐之

丙辰二年丁傅驕奢皆嫉傅喜之恭儉又傅太后欲稱尊號

喜與孔光師丹共執以為不可帝重違大臣正議又內

迫傅太后先免丹以感動喜喜終不順大司空朱博字

元杜陵人在陝西與傅晏連結晏喜從子共謀成尊號事數

毀短喜數音朔遂策免之

夏策免丞相博山侯孔光為庶人以朱博為丞相光自議

繼嗣持異又忤傅太后指策免博臨延登受策漢制丞相御史

大夫初拜皇帝延入登殿親詔之有大聲如鐘鳴殿中帝問黃門侍郎

楊雄字子雲成都人今成都府丞相府議曹李尋字子長平陵人在西安府咸陽縣

尋曰此洪範所謂鼓妖者也人君不聰空名得進則有

聲無形不知所從生宜退丞相以應天變雄亦以為聽

失之象帝不聽

詔共皇去定陶之號立廟京師尊共皇太后傅氏為帝太

太后共皇后丁氏為帝太后時傅太后既尊尤驕與太皇太后語至稱為姬

夏六月帝太后丁氏崩詔歸葬定陶共皇之園

秋七月傅太后怨喜不已使孔鄉侯晏風丞相朱博風去聲

令奏免喜為庶人博惡獨斥奏喜惡去聲乃與御史大夫

趙玄并奏大司空汜鄉侯何武在位無益於治不宜膺

爵土皆請免為庶人帝疑博玄承傅太后指召玄詣尚

書問狀玄辭服左將軍彭宣等宣字子佩陽夏人今河南開封府太康縣奏

劾博玄請召詣詔獄博自殺帝減玄死罪三等削晏戶

四分之一分扶問切

帝欲令丁傅居爪牙官冬以光祿勳丁望為左將軍太后從父

戊午四年夏六月尊帝太太后為皇太太后

己未元壽元年春正月初傅晏與息夫躬謀躬河南內人今河南懷慶府欲

求居位輔政躬因言災異屢見恐有非常之變宜遣大

將軍行邊兵飭武備斬一郡守以立威應變帝問丞相

王嘉字公仲平陵人咸陽縣對曰臣聞動人以行不以言行去聲應

天以實不以文下民微細猶不可詐况於上天神明而

可欺哉帝不聽至是詔將軍中二千石舉習兵法者各

一人因拜傅晏為大司馬衛將軍丁明為大司馬驃騎

將軍是日日食詔問得失舉直言杜鄴以方正對策鄴字

子夏內黃人今直隸大名府內黃縣曰日食明陽為陰所臨今諸外家並

侍帷幄典兵將屯將去聲至乃並置大司馬將軍之官當

拜之日晻然日食欲令昭昭以覺聖朝音潮願陛下加致

精誠以厭下心禎祥福祿何嫌不報帝乃罷晏歸第

皇太太后傅氏崩合葬渭陵稱孝元傅皇后

庚申二年六月帝崩大司馬王莽白太皇太后以傅氏專恣

不軌與丁氏皆免官爵歸故郡傅晏徙合浦今廣東廉州府下

詔褒揚傅喜位特進奉朝請朝音潮請去聲莽又貶傅太后曰

定陶共王母丁太后曰丁姬廢孝哀皇后傅氏為庶人

自殺

丑乙平帝元始五年，莽又奏發共王母及丁姬冢，以木棺代

梓宮，去珠玉衣，葬丁姬於媵妾之次。公卿阿莽指阿烏何切

遣子弟及諸生四夷十餘萬人，操持作具，助平其冢。周

棘其處，以為世戒云。

董賢嬖倖

戊午漢哀帝建平四年，侍中董賢侍中得出入禁中，賢字聖卿，雲陽人，今陝西西安府淳化縣。得倖於帝，賞賜累巨萬，貴震朝廷。累上聲，朝音朝。嘗與帝

晝寢，偏藉帝袖，帝欲起，賢未覺，不欲動，賢乃斷袖而起。又詔賢妻得通引籍殿中，止賢廬，又召賢女弟為昭儀。

以賢父恭為少府。秩中二千石，○少去聲。賜爵關內侯，詔將作大

匠為賢起大第。將作大匠，掌治宮室，秩二千石，○將為並去聲。土木之功窮極

技巧，賜武庫禁兵，上方珍寶，選物上第，盡在董氏，而乘

輿所服，乃其副也。乘去聲。尚書僕射鄭崇諫帝。成帝初，置尚書五人，

其一人為僕射，崇字子游，高密人。由是數以職事見責。

數音尚書令趙昌尚書令少府屬因奏崇與宗族通疑有姦

責崇曰君門如市何以欲禁切主上崇曰臣門如市臣

心如水願得考覆帝怒下崇獄竟死獄中

初無鹽危山名山土自起覆草如馳道狀覆冒也又瓠山石

轉立無鹽瓠山並在山東兗州府東平州東平王雲及后謁自往祭祀之

河內息夫躬及長安孫寵相與謀曰躬字子微河內今河南懷慶府長安

今西此取封侯之計也乃因中常侍宋弘上變事告焉

時帝被疾多所惡帝以建平二年疾用妄人夏賀良等議改元太初自號曰陳聖劉太平皇

帝尋誅賀等除之又興諸神祠一歲至三萬七千祠云逮王謁驗治服祠祭祝詛

帝為雲求為天子上為字去聲以為石立宣帝起之表也昭

元鳳三年泰山大石自起立後為宣帝之瑞雲自殺謁棄市廷尉梁相以奏

請覆治無討賊疾惡之心免為庶人三月帝欲侯董賢

而未有緣侍中傅嘉勸上定躬等本章去宋弘更言因

董賢以聞而心憚丞相王嘉字公仲平陵人在西安府咸陽縣先使孔

鄉侯傅晏持示之晏傅太后從子河內溫人今懷慶府溫縣嘉與御史大夫

賈延上封事請暴賢等所奏暴章露也明正其義然後加爵

士帝不得已且止秋八月下詔稱東平王雲等圖弑天

子賴宗廟之靈駙馬都尉侍中董賢以聞封賢為高安

侯孫寵方陽侯息夫躬宜陵侯諫大夫渤海鮑宣上書

曰宣字子都渤海高成人今直隸河間府鹽山縣竊見孝成皇帝時外親持權

濁亂天下，是以日食且十，彗星四起，危亡之徵。陛下所

親見也。今奈何反覆劇於前乎？朝臣無有大儒骨鯁之

士。朝音潮論議通古今，憂國如饑渴者，敦外親小僮，幸臣

董賢等在省戶下。謂在禁近之地陛下欲與此共承天地安海

內，甚難。孫寵息夫躬，奸人之雄，惑世尤劇者也。宜以時

罷退，及外親幼童，未通經術者，皆宜令休就師傅，急徵

傅喜使領外親。喜字稚游，故大司馬溫人，為傅太后從弟，故云領外親。何武、師丹

孔光、彭宣、龔勝，可大委任。武字君公，故大司空，郫人，今四川成都府郫縣。丹字仲公，

故大司空，東武人，今山東青州府諸城縣。光字子夏，故丞相魯國人，今兗州府曲阜縣。宣字子佩，故左將軍。陽

夏人，今河南開封府太康縣。勝字君賓，官司直。彭城人，今江南徐州。陛下尚能容亡功德

者甚衆。亡音無曾不能忍武等邪。鈔音治天下者，當用天下

之心為心，不得自專快意而已也。宣語雖刻切，帝以宣

名儒優容之。

帝發武庫兵送董賢及帝乳母王阿舍。阿於何切執金吾母將

隆奏言。母將複姓，隆字君房，東海蘭陵人，在兗州府嶧縣。古者方伯專征，乃賜

斧鉞。漢家邊吏距寇，賜武庫兵器。武庫兵器，天下公用，繕

治造作，皆度大司農錢。大司農錢，自乘輿不以給共養。

乘去聲，共音供。今便嬖弄臣。便平聲私恩微妾，而以國家威器給

其私門，非所以示四方也。上不悅，左遷為沛郡都尉。沛郡

治相，今江南鳳陽府虹縣西北有相城。

己未元壽元年春正月日食詔問得失丞相王嘉奏曰陛下

初即位易帷帳去錦繡共皇寢廟比當作比近也○共音恭比音庫

惟用度不足惟思也憂憫元元今始作治而董賢亦起官

寺治大第使者護作使去聲賞賜吏卒甚於治宗廟奢僭

放縱變亂陰陽惟陛下慎己之所獨嚮察衆人之所共

疑宜節賢寵安全其命帝不悅

息夫躬孫寵以罪免就國鮑宣上書曰陛下父事天母事

地子養黎民即位以來父虧明母震動子訛言相驚恐

建平四年關東民無故驚走持藁或麻榦一束轉相付與日行西王母籌奔馳若狂經郡國二十六今日

食於三始正月一日為歲之始誠可畏懼陛下深內自責

舉直言求過失罷退外親徵拜孔光發覺寵躬過惡衆

庶翕然悅喜人心悅則天意解矣乃白虹干日連陰不

雨此天有憂結未解民有怨望未塞者也董賢以令色

諛言自進賞賜無度海內貢獻盡之賢家豈天意與民

意邪鈔音誠欲哀賢宜為謝過天地解讎海內免遣就國

收乘輿器物乘去聲還之縣官如此可以父子終其性命

復徵何武師丹彭宣傳喜以應天心建立大政興太平

之端帝乃徵武宣而拜鮑宣為司隸督察三輔諸郡秩二千石

時傳太后崩帝託遺詔益封董賢二千戶丞相王嘉封還

詔書諫曰臣聞爵祿土地天之有也王者代天爵人宜

慎高安侯賢佞幸之臣陛下傾爵位以貴之殫貨財以富之損至尊以寵之四方同怨臣常為之寒心陛下寢疾久不平繼嗣未立宜思正萬事順天人之心以求福祐奈何輕身肆意不念高祖之勤苦哉書奏帝怒而先是嘉薦故廷尉梁相等相見前建平四年光祿大夫孔光等因劾嘉罔上不道請召詣廷尉時帝復用光位次丞相掾史主簿共涕泣和藥進嘉曰將相對不理陳寃言大臣以自裁為體也○將相去聲相踵以為故事嘉不肯服遂詣廷尉吏稍侵辱嘉嘉仰天歎曰幸得充備宰相去聲不能進賢退不肖以是負國死有餘責吏問賢不肖主名嘉曰賢孔光何武不能進

惡董賢父子不能退惡去聲罪當死死無所恨遂不食死

既而帝思嘉言復以孔光為丞相何武為御史大夫

九月大司馬驃騎將軍丁明素重王嘉以其死憐之帝方

欲極董賢位恨明如此遂策免明就第十二月以賢為

大司馬衛將軍冊曰建爾于公永為漢輔往悉爾心匡

正庶事允執其中時賢年二十二雖為三公常給事中

百官因賢奏事從賢父恭為光祿大夫董氏親屬皆侍

中寵在丁傅之右矣帝故令賢私過孔光光知帝欲尊

寵賢警戒衣冠出門待望見賢車却入既下車乃出拜

謁送迎甚謹不敢以賓客鈞敵之禮帝喜立拜光兩兄

子為諫大夫常侍賢由是權與人主侔矣。是時成帝

外家王氏衰廢惟平阿侯譚子去疾為侍中。阿烏弟閎何切

為中常侍閎妻父中郎將蕭咸前將軍望之子也。望之字長

倩東海蘭陵人今嶧縣賢父恭慕之使閎為子寬信求咸女為婦

咸惶恐不敢當私謂閎曰董公大司馬冊文乃堯禪舜

之文非三公故事長老見者莫不心懼。長上聲此豈家人

子所能堪邪。銜音閎悟還報咸自謙薄之意恭嘆曰我家

何負天下而為人所畏如此後帝置酒麒麟殿上從容

視賢笑曰。從千容切吾欲法堯禪舜何如王閎進曰天下乃

高皇帝之天下陛下承宗廟當傳子孫於無窮天子無

戲言帝默然闕出遂上書言董賢無功封侯橫蒙賞賜

空竭帑藏不當天心。藏當並去聲帝不從亦不罪。

庚申二年春正月匈奴單于來朝。音潮單于宴見怪賢年少。去聲

下以問譯帝令報曰大司馬年少以大賢居位單于乃

起拜賀漢得賢臣。

六月帝崩太后召賢問以喪事調度賢內憂不能對太后

曰新都侯莽奉送先帝大行曉習故事吾今莽佐君賢

頓首幸甚乃召莽莽以太后指令尚書劾賢帝病不親

醫藥禁止不得入宮殿尋收大司馬印綬賢與妻即日

自殺家惶恐夜葬莽疑之發賢棺至獄診視因埋獄中。

家屬徙合浦

今廣東雷州府徐聞縣

長安小民謹譁嚮賢第哭幾

獲盜之

微倖得入盜其所有

縣官斥賣賢財凡四十三萬萬賢所

厚吏沛人朱詡

徐州沛縣人

收賢屍葬之莽以他事繫殺詡

王莽篡漢

庚午

漢宣帝甘露三年太子所幸司馬良娣死忽忽不樂

洛音

帝令皇后擇後宮家人子得元城王政君

元城今直隸大名府元城

縣

送太子宮故繡衣御史賀之孫女也

賀字翁孺居平陵在陝西西安

府咸陽縣

後徙元城是歲生成帝於甲館畫堂帝愛之名曰驚字

太孫

癸酉

元帝初元元年三月立倓仔王氏為皇后

倓仔位次昭儀視外廷上

卿○音捷輿

甲戌

二年夏四月立子驚為皇太子

戊子

竟寧元年五月帝崩六月太子驚即皇帝位以元舅王

鳳為大司馬大將軍領尚書事

鳳字孝卿漢自武帝後領尚書事者典司朝政

己丑 成帝建始元年春正月封舅王崇為安成侯賜譚商立

根逢時爵關內侯

夏四月黃霧四塞詔問公卿大夫無有所諱諫大夫楊典

等對典字君蘭以為陰盛侵陽之氣高祖之約非功臣不侯

今太后諸弟皆以無功為侯外戚未曾有也大將軍鳳

懼上書辭職優詔不許

壬辰 四年夏四月雨雪召直言極諫之士詣白虎殿對策時

帝委政王鳳議者多歸咎焉太常丞谷永字子雲長安人今西安府

知鳳方柄用陰欲自託乃曰今四夷賓服皆為臣妾骨

肉大臣有申伯之忠

申伯周宣王元舅

無重合安陽博陸之患

重合侯馬通馬合羅之弟武帝時謀反者上官桀封安陽侯霍光封博陸侯

切恐陛下舍昭

昭之白過

言過犯明白也

聽掩昧之瞽說歸咎乎無辜倚異乎

政事重失天心不可之大者也誠宜深察愚言解偏駁

之愛平天覆之施

覆敷救切

使列妾得人人更進益納宜子

婦人則繼嗣蕃滋災異訖息矣杜欽亦倣此意

欽字子夏延年

子時為武庫令南陽杜衍人今河南南陽府西南有杜衍故城

帝皆以其書示後宮擢

永為光祿大夫

永為太常丞秩千石光祿大夫比二千石

永奏書謝鳳鳳遂

厚之

甲午 河平二年悉封諸舅王譚為平阿侯商為成都侯立為

紅陽侯根為曲陽侯逢時為高平侯五人同日封世謂

之五侯太后母李氏更嫁為河內苟賓妻生子參太后欲以田蚡為比而封之帝曰封田氏非正也以

參為水衡都尉田蚡事見武帝紀略元光四年王氏子弟皆卿大夫侍中諸曹

分據勢官滿朝廷

乙未 三年秋八月帝以中秘書頗散亡使謁者陳農求遺書

於天下詔光祿大夫劉向校之向一名更生字子政楚元王四世孫彭城人今

江南徐州向以王氏權位太盛而帝方嚮詩書古文乃因尚

書洪範集合上古以來符瑞災異之記推迹行事著其

占驗凡十一篇號曰洪範五行傳論奏之帝心知向忠

精故為王鳳兄弟起此論然終不能奪王氏權

丙申 四年 初建始三年秋大雨京師人訛言大水至王鳳

以為太后與帝及後宮可御船令吏民上城避水羣臣

皆和之和去聲獨左將軍王商曰商字子威蠡吾人今直隸保定府蠡縣商嗣樂

昌侯非成都侯商也自古無道之國水猶不冒城郭今何因當有

大水此必訛言帝美商固守數稱之數音朔鳳大慙恨至

是瑯琊太守楊彤瑯琊在山東青州府諸城縣○彤以中切與鳳連婚其郡

有災異商按問之鳳以為請商竟奏免彤奏寢不下鳳

怨商夏四月使人告商淫亂事帝以為闇昧之過不足

以傷大臣鳳固爭之詔收商丞相印綬商免相三日嘔

血卒相並去聲

帝自爲太子。受論語於蓮勺張禹。字子文。蓮勺有故城在西安府渭南縣。音輦酌。

及卽位。賜爵關內侯。拜光祿大夫。給事中。與王鳳並領

尚書事。禹數上書。數音朔。欲退避鳳。帝不許。至是遂以爲

相。去聲。封安昌侯。

丁酉陽朔元年春二月晦日食。時鳳方用事。帝謙讓無所顧。

左右嘗薦劉向少子歆。字子駿。少去聲。帝召見而悅之。欲以爲

中常侍。加官。得入禁中。左右皆曰。未曉大將軍。帝曰。此小事。何

須關大將軍。左右叩頭爭之。於是語鳳。鳳不可而止。

時帝無繼嗣。體常不平。定陶王康來朝。音潮。帝遇之甚厚。留

之京師。王鳳心不便。會日食。因言日食陰盛之象。定陶

王當奉藩在國。今留侍京師。故天見戒。宜遣之國。帝不

得已。許之。京兆尹王章。字仲卿。泰山巨平人。一統志入山東兗州府人物。素剛

直。敢言。雖爲王鳳所舉。非鳳專權。不親附之。乃奏封事。

言日食之咎。皆鳳專權蔽主之過。鳳不可令久典事。宜

選忠賢代之。帝令章求可以自輔者。章薦瑯琊太守馮

野王。奉世子。上黨潞人。今山西潞安府。忠信質直。帝欲以野王代鳳。鳳

聞之。憂懼。杜欽勸鳳乞骸骨。辭旨甚哀。太后聞之。垂涕

不食。帝乃優詔報鳳。彊起之。彊上聲。於是鳳起視事。帝使

尚書劾奏章。致其罪大逆。死獄中。野王亦以病免。

戊戌二年夏。以王音爲御史大夫。職副丞相。音。鳳從弟。時王氏愈盛。郡

國守相刺史皆出其門。劉向上封事，極諫曰：「王氏與劉氏勢不並立，陛下守持宗廟，而令國祚移於外親，縱不為身，為去聲奈宗廟何？宜接近宗室，黜遠外戚，所以褒睦外內，子孫無疆之計也。如不行此策，田氏復見於今，六卿必起於漢矣。」書奏，帝召見向，歎息悲傷，然終不能用其言。

己亥三年秋八月，大司馬大將軍鳳卒。九月，以王音為大司馬車騎將軍。初，鳳病，帝臨問，欲以平阿侯譚代鳳。譚素倨，不肯事鳳，而音敬鳳，卑恭如子。鳳故薦音，由是譚音相與不平。

癸卯鴻嘉三年，王氏五侯爭以奢侈相尚。商嘗病，欲避暑，從

帝借明光宮，後又穿城引澧水注第中。大陂以行船。澧水

出西安府鄠縣東南，北流至渭南縣入渭。帝幸商第，見而銜之。銜，含恨也。後微行

出，過曲陽侯根第，見園中土山漸臺，象白虎殿。帝大怒，使尚書責問司隸校尉京兆知商等奢僭不軌。阿縱不舉奏。阿，烏何切。是日詔尚書奏文帝時誅將軍薄昭故事。音藉藁請罪，商立根皆負斧鑕謝。良久乃已。帝特欲恐之，實無意誅也。

乙巳永始元年，初太后兄弟八人，獨弟曼早死，不侯。太后憐之，曼子莽字巨君幼孤，見五侯子乘時侈靡，以輿馬聲

色佚游相高。因折節為恭儉。被服如儒生。外交英雋。內事諸父。曲有禮意。鳳病。莽侍疾。亂首垢面。不解衣帶者連月。鳳且死。以莽託太后及帝。拜黃門郎。朝之名士咸為莽言。帝用賢。莽至是封新都侯。爵位益尊。節操愈謙。振施賓客。收贍名士。交結將相。及卿大夫甚眾。虛譽隆洽。傾其諸父矣。諸父。諸伯叔父也。

丙午二年春正月。大司馬車騎將軍音卒。三月。以王商為大

司馬衛將軍。

丁未三年。故南昌尉九江梅福。南昌。今江西南昌府。九江。今江南鳳陽府壽州。福字子貞。

數因縣道上變事。輒報罷。漢縣有蠻夷者謂之道。○數音朔。至是復上

書曰。士者國之重器。得士則重。失士則輕。臣聞齊桓之

時。有以九九見者。九九。算術也。桓公不逆。欲以致大也。今臣

所言。非特九九也。陛下距者三矣。此天下士所以不至

也。方今君命犯而主威奪。外戚之權日以益隆。陛下不

見其形。願察其景。音影。漢興以來。社稷三危。呂霍上官皆

母后之家也。自霍光之賢。不能為子孫慮。故權臣易世

則危。勢陵於君。權隆於主。然後防之。亦無及已。帝不納。

己酉元延元年。夏四月。無雲而雷。有流星東南行。四面如雨。

秋七月。有星孛於東井。吏民上書言災異。多譏切王氏。時

特進安昌侯張禹。雖家居。以帝師。每有大政。必與定議。

帝至禹第以書示禹禹見年老子孫弱恐為王氏所怨

乃對曰災變之意深遠難見故聖人罕言命不語怪神

陛下宜修政事以善應之新學小生亂道誤人宜無信

用帝雅信愛禹由是不疑王氏故槐里令朱雲字游本魯人居

平陵今咸陽縣槐里在西安府興平縣上書求見曰臣願賜尚方斬馬劍

斷佞臣一人頭以厲其餘帝問誰也對曰張禹帝大怒

曰小臣廷辱師傅罪死不赦御史將雲下雲攀殿檻檻

折雲呼曰臣得下從龍逢比干遊於地下足矣未知聖

朝何如耳朝音潮左將軍辛慶忌字子貞武賢子狄道人今陝西臨洮府狄道縣

免冠叩頭殿下曰此臣素著狂直使其言是不可誅其

言非固當容之臣敢以死爭去聲帝意解乃已及後當治

檻帝曰勿易因而輯之以旌直臣

十二月大司馬衛將軍王商卒以王根為大司馬驃騎將軍

辛亥三年春正月岷山崩壅江三日江水竭劉向曰漢家本

起於蜀漢今所起之地山崩川竭星孛又及攝提大角

攝提六星直斗柄之南主建時節大角一星值亢宿上俱在亢度自參至辰參西方宿辰水星

殆必亡矣

王根薦谷永自北地太守入為大司農太守二千石大司農中二千石永

前後上四十餘事專攻上身與後宮而已黨於王氏帝

亦知之不甚親信也。歲餘卒。

癸丑綏和元年冬十一月大司馬王根病免以王莽為大司

馬時年三十有八王氏凡十侯五大司馬莽既拔出同

列繼四父而輔政欲令名譽過前人愈折節為儉約賞

賜邑錢所食邑悉以享士母病公卿列侯遣夫人問疾莽

妻迎之衣不曳地布蔽膝見之者以為僮使去聲問知其

夫人皆驚其飾名如此。

劉向自見得信於上故常顯訟宗室譏刺王氏其言多痛

切發於至誠帝欲用為九卿不為王氏及丞相御史所

持扶助之也故終不遷居列大夫官前後三十餘年而卒卒

十三年而王氏代漢

甲寅二年三月帝崩太子欣即位。是為哀帝

夏五月王莽薦中壘校尉劉歆為侍中更名秀字穎叔帝復

令典領五經卒父前業。秀父向受成帝命校書命秀終其業秀於是總其

書而奏其七略。謂輯略六藝略諸子略詩賦敘諸子分

為九流。曰儒曰道曰陰陽曰法曰名曰墨曰縱橫曰雜曰農

太皇太后詔王莽就第避帝外家莽即上疏乞骸骨帝詔

起之又使人白太后曰大司馬不起皇帝即不敢聽政

太后復令莽視事異日置酒未央宮內者令為傅太后

張幄坐於太皇太后坐傍內者令寺人之官莽責令曰藩妾何

得與至尊並徹去更設坐傅太后大怒莽乞骸骨罷就第公卿大夫多稱之

丙辰哀帝建平二年新都侯莽免就國莽國在南陽府新野縣杜門自

守其中子獲殺奴莽切責獲令自殺在國三歲吏民訟

莽冤者以百數

丁巳三年是歲光武皇帝生於南陽之白水鄉

己未元壽元年賢良周護宋崇等對策復深訟莽功德帝徵

莽還京師

庚申二年帝崩無子太皇太后即日駕之未央宮之往也收取

璽綬馳召莽詔尚書諸發兵符節百官奏事中黃門期

門兵皆屬莽莽白大司馬董賢年少去聲不合衆心收印

綬自殺太皇太后詔舉可大司馬者大司徒孔光以下

舉朝皆舉莽光字子夏孔子十四世孫兗州府曲阜縣人○朝音潮獨前將軍何

武字君公郿人今四川成都府郿縣左將軍公孫祿以為當選立近親

幼主不宜令外戚持權於是武舉祿祿亦舉武太皇太

后竟用莽莽以孔光名儒相三主相去聲太后所敬天下

信之於是盛尊事光引光女壻甄邯為侍中諸素所不

悅者莽皆傅致其罪為請奏草令邯持與光以太后指

風光上之風去聲莽白太后輒可其奏於是劾奏武祿互

相稱譽皆免

八月莽白太皇太后廢孝成皇后趙氏孝哀皇后傅氏為庶人皆自殺。

九月中山王箕子即位。時年九歲太皇太后臨朝。音潮大司馬莽

秉政百官總已以聽莽白太后帝幼少。去聲宜置師傅乃

徙孔光為太傅位四輔。古師保疑丞為四輔莽自此變更官名矣莽以王舜

王邑為腹心甄豐甄邯主擊斷平晏領機事劉秀典文

章孫建為爪牙豐子尋秀子棻涿郡崔發南陽陳崇皆

以才能幸於莽。涿郡今直隸順天府涿州南陽今南陽府莽色厲而言方欲

有所為微見風采黨與承其指而奏之莽稽首涕泣固

推讓。推他回切上以惑太后下用示信於眾庶焉。

辛酉平帝元始元年春莽風益州塞外蠻夷自稱越裳氏。益州

今雲南省越裳氏在雲南老撾宣慰司○風音諷重譯獻白雉。重平聲羣臣盛稱

莽功德宜賜號曰安漢公益戶疇爵邑。疇等也益其戶令與爵等莽

上書言臣與孔光王舜甄豐共定策今願獨條光等功

寢置臣因固讓乃詔光為太師舜為太保豐為少傅以

莽為太傅榦四輔之事號安漢公莽為皇恐不得已受

之又令公卿奏太后不宜親省小事於是太后下詔曰

自今以來唯封爵乃以聞他事安漢公四輔平決

夏五月王莽恐帝外家衛氏奪其權白太后拜帝母衛姬

為中山孝王后賜帝舅寶玄爵關內侯皆留中山不得

通鑑本末紀要 卷十
至京師。

壬戌二年春黃支國獻犀牛黃支在南海中去京師三萬餘

里莽厚遺其王令遣使貢獻遺使並去聲越雋郡上黃龍遊

江中上上奏也越雋今四川越雋衛○雋音髓孔光等咸稱莽功德比周公

宜告祠宗廟大司農孫寶諫曰寶字子嚴鄆陵人今河南開封府鄆陵縣今

風雨未時百姓不足每有一事群臣同聲得無非其美

者遂罷議司直陳崇以他事劾奏寶寶坐免

夏四月郡國大旱蝗青州尤甚青州治臨菑今青州府臨淄縣民流亡莽

上書出錢百萬田三十頃付大司農助給貧民公卿皆

慕效焉凡獻田宅者二百三十人每有水旱莽輒素食

太后遣使詔莽使去聲今秋幸熟公以時肉食愛身為國

為去聲

光祿大夫龔勝邠漢勝字君賓楚人一統志入江南徐州人物漢瑯琊人今青州府諸城縣

以王莽專政皆乞骸骨莽令太后優禮而遣之梅福亦

知莽必篡漢一朝棄妻子去不知所之其後人有見福

於會稽變姓名為吳市門卒云福見成帝永始三年會稽今江南蘇州府

秋九月莽重賂單于令王昭君女入侍又請更名更平聲以

從聖制厚賞賜之詳匈奴歸漢

癸亥三年春聘安漢公莽女為皇后時王氏女多在選莽恐

其與己女爭即上言女材下不宜與眾女並采於是庶

民諸生郎吏守闕上書公卿大夫伏省戶下咸言願得
公女爲天下母太后從之時有司奏故事聘皇后黃金
三萬斤爲錢二萬萬莽受六千三百萬以其餘分與十
一媵家及九族貧者

夏莽長子宇長上聲非莽隔絕衛氏私與衛寶通書教衛后

上書求至京師莽不聽宇與師吳章等議以爲莽好鬼
神好去聲可爲變怪驚懼之因推類說令歸政衛氏說音稅

於是夜灑血莽第門吏發覺莽執宇送獄飲藥死盡滅
衛氏支屬惟衛后在章腰斬章當世名儒教授千餘人
莽以爲惡黨皆當禁錮門人皆更名他師平陵云敞平陵

在西安府咸陽縣敞字幼儒時爲大司徒掾自劾吳章弟子收抱章

尸歸棺斂葬之莽因窮治黨與連引郡國豪傑及素所
惡者悉誅之惡烏路切坐死凡數百人海內震焉北海逢萌

謂友人曰三綱絕矣不去禍將及人卽解冠掛東都城
門歸將家屬浮海客於遼東萌字子慶北海都昌人今山東萊州府昌邑縣萌後

隱於卽墨縣勞山光武徵之亦不起今青州府益都縣有高士冢乃逢萌墓○逢讀若龐

甲子四年春二月太保王舜等及吏民上書者八千餘人請

加賞於安漢公於是加安漢公莽號宰衡周公爲太宰伊尹爲阿衡

合采此號以尊之位上公三公言事稱敢言之賜公太夫人號

曰功顯君公子二人安爲褒新侯臨爲賞都侯莽拜前

二子拜後。如周公故事。又加后聘三千七百萬。合為一萬萬。以明大禮。莽以千萬遺太后左右。遺去聲

王莽自以北化單于。南懷黃支。東致海外。唯西方未有加。乃遣中郎將平憲等。將去聲多持金幣。誘塞外羌使獻地。

內屬。奏以為西海郡。西海在陝西西寧衛西二百餘里。分天下為十二

州。以應古制。又奏起明堂。辟雍。靈臺。立樂經。徵天下通經異能之士。以千數。又更官名。位次。及州郡名。罷置改

易。吏不能紀。又增法五十條。犯者徙之西海。以千萬數。民始怨矣。

乙丑五年夏四月。吏民以莽不受新野田。而上書者。前後四

十。八萬七千五百七十二人。時益封莽新息召陵二縣。及新野田。莽辭田不受。

五月。加安漢公莽九錫。一鸞路龍旂。二袞冕。三樂則。四朱戶。五納陛。六虎賁。七弓矢。八鈇鉞。

九秬鬯。

冬十二月。時帝益壯。以衛后故不悅。莽因臘日上椒酒。置毒酒中。帝疾。莽作策命於泰時。願以身代。藏策金膝。敕

諸公莫敢言。帝崩。

前輝光謝囂奏武功長孟通浚井。前輝光後承烈莽所置。京師南北二郡以配左

馮翊右扶風者武功縣屬西安府。得白石。有丹書。文曰。告安漢公莽為

皇帝。於是羣臣奏太后。請安漢公踐祚。謂之攝皇帝。太后曰。此誣罔天下。不可。太保舜謂太后事已如此。無可

奈何又莽非敢有他但欲填服天下耳

填音

太后力不

能制詔曰可莽遂南面朝羣臣郊祀天地贊曰假皇帝

丙寅

居攝元年二月立宣帝玄孫嬰為太子號曰孺子

年二歲

夏四月安眾侯劉崇起兵討莽從者百餘人攻宛不得入

死之

安眾在河南南陽府鎮平縣宛今南陽府城

崇族父嘉詣闕自歸莽赦

不誅嘉因奏莽功德罪狀劉崇願負籠荷鍤

荷去聲

馳之

南陽潛崇宮室如古制莽大悅封為率禮侯自後謀反

者皆汗池

汗即瀦也窪陷其地

五月詔莽朝見太后稱假皇帝

十二月名安漢公廬為攝省府為攝殿第為攝宮

丁卯

二年秋九月東郡太守翟義

東郡今山東東昌府

方進之子也

方進

故相河南汝寧府上蔡縣人

謂姊子陳豐曰新都侯攝天子位必代

漢家吾父子受漢厚恩義當為國討賊

為去聲

設令時命

不成死國埋名猶可不慙於先帝汝肯從我乎豐許諾

遂與都尉劉宇等起兵誅不當攝者立嚴鄉侯劉信為

天子

信東平煬王雲子宣帝曾孫雲見董賢嬖倖哀帝建平四年

言莽毒殺平帝欲

絕漢室今共行天罰誅莽

共音恭

眾十餘萬三輔豪傑趙

朋霍鴻等聞之自稱將軍眾亦十餘萬莽惶懼不能食

拜孫建等七人為將軍討義王級等為將軍討朋莽日

抱孺子禱郊廟會羣臣而稱曰昔管蔡挾武庚而畔今

翟義亦挾劉信而作亂。自古大聖猶懼此。況臣莽之斗
 筭。羣臣皆曰：不遇此變，不彰聖德。莽依周書作大誥，諭
 天下以當返位孺子之意。諸將與義會戰。將去聲義敗死。
 竟不得信。諸縣悉平。莽聚義等尸為五所，建表其上。書
 曰：反寇逆賊鯨鯢，自謂威德日盛，大獲天人之助，遂謀
 即真之事矣。

戊辰初，始元年九月，莽母死。莽自以奉漢大宗為服，總麻如

天子弔諸侯之服。

冬十二月，梓潼人哀章遊於長安，素無行，好為大言。

梓潼今四

川保寧府梓潼縣。○行好去聲。

作銅匱以獻，署其一曰：天帝行璽，其一

曰：赤帝璽，謂上帝與高祖傳禪於莽也。又書莽大臣八

人，取令名王興、王盛等十一人，章因自竄姓名，皆署官

爵。昏時衣黃衣。

上衣字去聲。

至高廟，以付僕射。

音亦僕射以聞。

莽至高廟拜受金匱神禪，御王冠，還坐未央宮，即真天

子位，定有天下之號，曰新。以十二月朔為歲首，曰始建

國元年。

綱目通鑑皆仍用夏正，不與其改正朔也。

時孺子未立，璽藏長樂宮。

樂音洛。

莽請之，太后不肯授。莽使王舜諭指，太后怒罵之。

曰：而屬父子宗族，蒙漢家力，富貴累世。

而，汝也。下同。○累，上聲。

既

無以報受人孤寄，乘便利時，奪取其國，不顧恩義，天下

豈有而兄弟邪？

音鈔。

我漢家老寡婦，旦暮且死，欲以此璽

俱葬終不可得舜謂太后莽必欲得傳國璽太后寧能

終不與邪太后恐莽脇之乃出璽投之地曰我老已死

知而兄弟今族滅也莽更號太皇太后為新室文母太

皇太后時莽疎屬王諫諂莽上言太皇太后當隨漢廢

冠軍張永獻符命為新室文母莽封永為殺諫

己巳新莽始建國元年春正月莽廢孺子為定安公孝平皇后為

定安太后莽女也莽執孺子手流涕唏噓孺子北面稱臣

百寮莫不感動莽按金匱封拜其黨與改諸官名降漢

諸王皆為公侯皆為子立王氏九廟以漢高祖廟為文

祖廟以漢禪新高祖也以大鴻臚府為定安公第置使者

監領臚音廬使去聲監平聲常在四壁中至於長大不能名六畜

夏四月徐鄉侯劉快起兵討莽不克死之徐鄉故城在山東登州府黃縣

莽因漢承平之業府庫百官之富百蠻賓服天下晏然莽

一朝有之其心意未滿陘小漢家制度陘狹同乃曰古者

一夫百畝什一而稅秦壞聖制廢井田疆者規田以千

數弱者曾無立錐之居又置奴婢之市與牛馬同闌繆

於天地之性人為貴之義今更名天下田曰王田奴婢

曰私屬皆不得買賣其男口不盈八而田過一井者分

餘田與九族敢有非制者投諸四裔其後知民愁怨詔王田得買賣勿問

庚午二年二月莽廢漢諸侯王為民

定安太后常稱疾不朝會時年未二十莽欲嫁之乃更號

曰黃皇室主欲絕之於漢后大怒莽不復強上聲其後甄

豐子尋作符命言黃皇室主為尋之妻莽疑大臣怨謗

收捕尋尋亡豐自殺歲餘捕得尋辭連國師公劉秀子

棻及秀門人丁隆等乃流棻於幽州放尋於三危殛隆

於羽山皆驛車傳致其屍

冬更作寶貨五物六名二十禁漢五銖錢民間食貨俱廢

辛未三莽遣使者使去聲奉璽書印綬迎龔勝勝見前平

年勝稱病篤使者要說要平聲說音稅以印綬就加勝身勝不

受曰吾受漢家厚恩無以報今年老矣誼豈以一身事

二姓語畢遂不食十四日卒年七是時清名之士又有

紀逡王思薛方郇越郇相唐林唐尊逡思皆琅琊人方字子容齊人統志

入青州府人物越字臣仲相字穉賓太原人一統志入山西太原府人物林字子高尊字伯高沛人今徐州沛

縣逡及兩唐郇相皆仕莽莽以安車迎薛方方謝曰堯

舜在上下有巢由今明主方隆唐虞之德小臣欲守箕

山之節許由遁堯于箕山之下莽悅其言不彊致之南郡太守郭

欽南郡今湖廣荊州府欽隃糜人今陝西鳳翔府汧陽縣有隃糜城兗州刺史蔣詡字

卿杜陵人在西亦以廉直為名莽居攝皆以病免官歸

鄉里陳咸以律令為尚書咸字子孝沛郡相人今江見

何武鮑宣死宣字子都渤海高城人今直隸河間府鹽山縣即乞骸骨去職莽

篡位召之不應三子叅豐欽皆在位咸悉令解官歸閑

門不出入猶用漢家祖臘祖祭道以餞送也臘歲終大祭漢以火德王故以午祖以

戊臘曰我先人豈知王氏臘乎悉收歛其家律令書文壁

藏之又齊栗融字容卿齊人漢齊郡今臨淄縣北海禽慶字子夏北海今青州府

蘓章字游卿山陽曹竟字子期今兗州府金鄉縣有山陽城皆儒生去官不

仕莽

壬申四年莽至明堂改州從禹貢為九爵從周氏為五諸侯

千有八百以圖籍未定未授國邑給月錢數千諸侯困

乏至有傭作者初莽為安漢公欲諂太后奏尊孝元廟

為高宗至是墮壞孝元廟更為太后起廟獨置孝元廟

故殿以為文母墓食堂墓饌同以太后在名曰長壽宮置

酒請太后太后見孝元廟廢徹塗地驚泣曰此漢家宗

廟皆有神靈與何治而壞之與去聲且使鬼神無知又何

用廟如令有知我乃妃妾豈宜辱先帝之堂以陳饋食

哉不樂而罷樂音洛初莽更漢家黑貂著黃貂更平聲著

又改漢伏臘日太皇太后令其官屬黑貂至漢家伏臘

日獨與左右相對飲食

癸酉五年春二月太皇太后王氏崩年八十四莽服喪三年

新室世獻祭其廟以元帝配食坐於牀下

丁丑四年申明六筮一盥二酒三鐵四名山大澤五五均

國元年於長安及洛陽邯鄲臨菑宛成都立五均司市

錢府官以平物價民有乏絕欲賒貸者錢府予之每月

百錢收郡以數人督之皆用富賈乘傳求利賈音古交

息錢三郡以數人督之皆用富賈乘傳求利傳去聲

錯天下法令煩苛民搖手觸禁徭役煩劇旱蝗相因吏

用苛暴立威傍緣莽禁侵刻小民富者不能自保貧者

無以自存盜賊並起臨淮瓜田儀等臨淮今江南鳳陽

名依阻會稽長州今江南蘇州府瑯琊呂母聚黨數千人殺海

曲宰瑯琊治青州府諸城縣有瑯琊入海中為盜眾至數

萬荆州饑饉荆州治湖廣常德府民眾入野澤掘鳧苳而食之鳧苳

今葦新市王匡王鳳新市一統志湖廣德安府孝南陽

馬武潁川王常成丹等潁川治開封府禹州馬武王常

共聚綠林中為盜綠林山在湖廣安陸府當陽縣東南至七八千人後遇

疾疫乃各分散在地皇三年匡等北入南陽號新市兵武等

西入南郡今荆州府號下江兵莽以五石銅鑄作威斗長二

尺五寸若北斗欲以厭勝眾兵厭一葉切令司命負之以從

遣使者即赦盜賊還使去聲或言時運適然且滅不久

莽悅輒遷官

戊寅五年莽以費興為荆州牧見問到部方畧興對曰荆揚

之民率依阻山澤以漁采為業采謂採取間者國張六

筦間去聲稅山澤妨奪民利連年久旱百姓饑窮故為盜

賊興到部欲令曉告盜賊歸田里假貸犁牛種食濶其

租賦冀可解釋安集莽怒免興官

莽以制作未定公卿至小吏皆不得俸祿天下吏並為姦

利莽考其富者收財產五分之四冀以禁姦而姦愈甚

初成帝之世蜀揚雄因王音薦以奏賦為郎給事黃門三

世不徙官及莽篡位雄以耆老久次轉為大夫好古樂

道好去聲欲以文章名於後世乃作太玄法言雄以太玄擬易

法言擬卒章盛稱莽功德又作劇秦美新文頌莽君子

病焉雄字子雲成都人今四川成都府城內有雄宅及草玄堂至是卒年七十一

瑯琊樊崇起兵於莒今青州府莒州一歲間至萬餘人又有東海

刁子都東海治鄉今兗州府鄒城縣刁一作力亦起兵鈔擊徐兗莽遣使

發兵擊之使去聲不能克

己卯六年春莽見盜賊多乃令太史推三萬六千歲曆紀六

歲一改元布天下下書自言己當如黃帝僊升天欲以

誑耀百姓消解盜賊又募有奇技術者待以不次之位

言便宜者以萬數或言能飛一日千里莽輒試之取大

鳥翮為兩翼頭與身皆著毛著陟畧切飛數百步墮莽欲獲

其名皆拜為理軍

庚辰地皇元年以唐尊為太傅尊見前始建國四年尊曰國虛民貧咎在

奢泰乃身短衣小袖乘牝馬柴車藉藁以瓦器飲食出

見男女不異路者尊自下車以象刑赭幡汗染其衣古犯

刑者以赤土染衣莽大悅之封為平化侯

辛巳二年春莽妻死謚曰孝睦皇后

秋黎丘秦豐聚眾萬人黎丘今湖廣襄陽府宜城縣東有黎丘城平原女子遲

昭平亦聚數千人在河阻中平原今山東濟南府平原縣莽召問群

臣擒賊方畧皆曰此天囚行尸命在漏刻耳時盜賊群

聚州郡不能督捕唯翼平連帥田況素果敢翼平今青州府壽光

縣○帥發民年十八以上四萬餘人授以庫兵與刻石

為約樊崇等聞之不敢入界莽以況領青徐二州牧事

況上言盜賊始發其原甚微部吏伍人所能擒也咎在

長吏不為意長上聲今宜急選牧尹以下明其賞罰收合

離鄉小國無城郭者徙其老弱置大城中積穀藏食并

力固守賊來攻城不下所過無食勢不得群聚招之必

降戶江切擊之則滅今空多出將帥將帥並去聲郡縣苦之反

甚於賊宜盡徵還諸使者使去聲以休息郡縣委任臣以

二州盜賊必平莽畏惡況惡去聲令西詣長安況去齊地

遂敗

莽惡漢高廟神靈惡去聲遣虎賁武士四面提擊斧壞戶牖

桃湯赭鞭鞭灑屋壁賁音奔

壬午三年春莽九廟成納神主乘六馬衣以龍文著角長三

尺衣去聲著直畧切又造華蓋九重高八丈一尺載以四輪車

輓者皆呼登仙百姓竊比輜車喪車也樊崇等聞莽將討

之恐其衆與莽兵亂乃皆朱其着以相識別由是號曰赤着。

夏四月莽遣太師王匡更始將軍廉丹擊赤着兵十餘萬人所過放縱東方爲之語曰寧逢赤着不逢太師太師尚可更始殺我卒如田況之言。○關東人相食蝗飛蔽天流民入關者數萬人莽分遣大夫謁者教饑民煮草木爲酪酪不可食重爲煩費莽聞城中饑饉以問中黃門王業業市梁飯肉羹持入示莽曰居民食咸如此莽信之。

秋七月新市王匡等進攻隨。

今德安府隨州

平林入陳牧廖湛聚

衆數千人應之號平林兵。

平林在隨州東北

莽下書讓廉丹丹惶恐夜召其掾馮衍以書示之。

衍字敬通奉世

曾孫杜陵人在西安府咸寧縣

衍因說丹曰

說音稅

張良以五世相韓

相去

聲

椎秦始皇博浪之中將軍之先爲漢信臣

宣帝時後將軍廉褒

丹之先也

新室之興英雋不附今海內潰亂人懷漢德甚於

詩人思召公也人所歌舞天必從之爲將軍計莫若屯

據大郡鎮撫吏士砥厲其節納雄傑之士詢忠智之謀

興社稷之利除萬人之害則福祿流於無窮功烈著於

不滅何與軍覆中原身膏野草

何與猶何如也

功敗名喪

去聲恥

及先祖哉丹不聽戰敗歿

漢宗室劉縯及其弟秀等起南陽今河南南陽府新市平林下江

兵皆附之詳光武中興莽素聞縯名大震懼購以邑五萬戶

黃金千萬斤位上公使官署鄉亭皆畫縯像旦起射之

癸未漢淮陽王更始元年春二月漢諸將共立宗室劉玄為皇帝大

赦改元

莽使司空王邑司徒王尋發兵四十二萬圍昆陽今南陽府葉縣

有昆陽城劉秀以三千人大破之詳光武中興莽聞之愈恐欲外

示自安乃染其鬚髮進所徵淑女杜陵史氏為皇后莽

親迎成同牢之禮是日大風拔木群臣上壽莽日與方

士考驗方術縱淫樂焉樂音洛

莽聞漢兵言莽鴆殺平帝乃會公卿於王路堂開所為平

帝請命金滕之策泣以示群臣為去聲

夏王莽衛將軍王涉與國師公劉秀大司馬董忠等謀劫

莽降漢降戶江切事覺莽召忠殺之使虎賁以斬馬劍劉忠

賁音奔收其宗族以醇醢毒藥白刃叢棘并一坎而埋之

秀涉自殺莽以軍師外破大臣內畔憂懣不能食但飲

酒啗鮓魚鮓魚無鱗有殼一面附石與石決明同類○鮓音電讀軍書倦因憑几

寤不復就枕矣復扶又切

八月更始遣將攻洛陽武關洛陽今河南河南府武關在西安府商州東○將去聲

三輔震動析人鄧熒于匡起兵應漢析今南陽府浙川縣莽愈憂

不知所出莽大司空崔發言古者國有大災則哭以厭
之宜告天以求救莽乃率群臣至南郊陳其符命本末
仰天大哭氣盡伏而叩頭諸生小民旦夕會哭為設餐
粥甚悲哀者除以為郎郎至五千餘人又拜將軍九人
皆以虎為號時省中黃金尚六十餘萬斤莽賜九虎士
人錢四千眾無鬪志莽又赦城中囚徒殺豨飲其血豨豨豕也
與誓曰有不為新室者社鬼記之為去聲既而皆敗走
眾兵發掘莽妻子父祖冢燒其棺柩及九廟明堂辟雍
火照城中

九月戊申朔兵從宣平門入火及掖庭黃皇室主曰何面

目以見漢家自投火中而歿莽避火宣室前殿火輒隨

之莽紺衲服

衲單衣也音勺

持虞帝七首旋席隨斗柄而坐曰

天生德於予漢兵其如予何庚戌旦明群臣扶掖莽之

漸臺眾兵圍之晡時上臺商人杜吳殺莽校尉公賓就

斬莽首

公賓複姓就名

軍人分莽身節解鬻分爭相殺者數十

人傳莽頭詣宛

今南陽府

懸於市百姓共提擊之或切食其

舌

莽三十八為大司馬五十一居攝五十四即真六十八誅死

通鑑本末紀要卷之十終

恭錄

八宣室前漢

Faint bleed-through text from the reverse side of the page, including characters like '通鑑本末紀要' and '卷一'.

